

張氏醫通

張氏醫通卷之五

長洲石頑張

男

登誕先

倬飛疇

牙言

一諸血門

諸見血證

經云。太陽厥逆。僵仆。嘔血。善衄。○陽明厥逆。喘欬身熱。善驚。衄嘔吐。○血氣者。喜溫而惡寒。寒則泣不能流。溫則消而去之。○夫血之於氣。異名同類。營衛者。

精氣也。血者神氣也。故奪血者無汗。奪血者不可復發其汗奪汗者不可復取其血。○脾移熱於肝。則為驚魘。○脈至而搏。血。身熱者死。脈來懸鉤。浮為常脈。言脈來虛浮按之傍指屈曲而出形容芤象也。○大怒則形氣絕。而血苑於上。苑積也。○悲哀太甚。則胞絡絕。胞絡絕。則陽氣內動。發則心下崩。數洩血也。○胞移熱於膀胱。則癰溺血。
金匱云。師曰。尺脈浮。目睛暈黃。魘未止。暈黃去。目睛慧了。知魘今止。

尺以候腎。腎虛則相火擾其陰。血從膀胱而升。故

脈浮也。腎之精上營瞳子。膀胱之脈下頰中。二經
一中有不歸經之血。故暈黃。黃退則血亦散。所以知
一。衄止也。明理論云。傷寒衄血。黃邪在表。雜病衄血。
一。黃邪在裏。此曰尺浮。不言寸浮。知爲腎虛血逆。非
外邪也。

病人面無色。無寒熱。脈沉弦者。衄。浮弱。手按之絕者。
下血。煩渴者。必吐血。一作病人而無血色

而者。血之華。血統則華鮮。若有寒熱。爲傷其血。而
我。今無寒熱。則是因血脫而然矣。夫脈浮以候陽。

沉以候陰。若但見沉弦。輕取絕無者。是無陽也。無陽知血之上脫。若止見浮弱。重按絕無者。是無陰也。無陰知血之下脫。而煩渴嘔血者。以火氣擾亂。則神煩。火動於膈。則欬逆。欬則湧血而上越也。然則沉之無浮。浮之無沉。何便見爲脫血乎。以其面無血色。而脈弦弱也。

男子脈虛沉弦。無寒熱。短氣裏急。小便不利。面色白。時目膜兼眦。小腹滿。此爲勞使之然。

脈虛沉弦者。以按之則少神。目無寒熱。明非外感。

之邪也。其短氣裏急。少腹滿。小便不利。而面色白。皆內傷於氣之候。故雖時目瞑而衄。洵爲勞役所致而然也。

男子面色薄者。主渴及亡血。卒喘悸。脈虛者。裏虛也。心主血。心虛則脈虛。上句以面色薄。而主心血不榮於外。下句以喘悸脈浮。而主心氣不充於裏。皆由心神耗散。血亡津傷所致也。夫吐血欬逆上氣。其脈數而有熱。不得卧者。死。此金水二藏不足故也。水不足。則火獨光。而金傷。

矣。夫陰血之安養內外者。皆腎水主之也。腎水虛。則不能安靜。而血被火逼。遂溢出血。出則五藏內外之陽。皆失其配。失配之陽。無根之狂陽也。有升無降。炎燄肺金。而爲欬逆上氣。肺腎之陰。有絕無復耳。脈數身熱。陽獨勝也。不能臥。陰已絕也。陰絕。則陽不能獨生。故曰死。

大酒客欬者。必致吐血。此因極飲過度所致也。酒性大熱傷胃。胃氣不和。亂於胸中。中焦之血。不布於經絡。因熱射肺而爲欬逆。隨氣溢出也。此卽

千金所謂山傷胃吐血也。吐血不止者。栢葉湯主之。

夫水者。遇寒則堅。冰潛於地中。遇風則洶湧起於平陸。人之吐血。皆風火使然。栢葉稟西方金氣。可制肝木之逆。則血有所藏。艾葉之溫。可使火反歸陰。而宿藏於下。用馬通以降血逆。尤屬相宜。家秘多阿膠三錢。時珍綱目有阿膠無艾。總取辛溫之力。以和苦寒之性。不獨治吐血不止。而下血者亦可用之。

病人胸滿。脣痿舌青口燥。但欲漱水不欲嚥。無寒熱。脈微大來遲。腹不滿。其人言我滿。爲有瘀血。

凡內外諸邪。有血相搏。積而不行者。卽爲瘀血。血積則津液不布。是以脣痿舌青口燥。但欲漱水以潤其燥。血爲陰邪。且內無熱。故不欲嚥也。脈大爲熱。遲爲寒。今無寒熱之病而微火者。乃氣并於上。故胸滿也。遲者。血積膈下也。積在陰經之隧道。不似氣積於陽之盲膜。然陽道顯。陰道隱。氣在盲膜者。則壅脹顯於外。血積隧道。惟閉塞而已。故腹不

滿。因閉塞自覺其滿。所以知瘀血使然也。

病者如熱狀。煩滿口乾燥而渴。其脈反無熱。此爲陰伏。是瘀血也。當下之。

血陰也。配於陽。氣得之以和。神得之以安。咽得之以潤。經脈得之以行。身形之中。不可斯須離也。今因血積。神無以養。則煩。氣無以和。則滿。口無以潤。則燥。胃無以澤。則渴。是皆陽失所配。營衛不布。津液不化。而爲是證也。非陽之自強而生熱比。故曰如熱狀。脈反無熱。陰邪不能鼓激其脈。故爲陰伏。

下血。先便後血。此遠血也。黃上湯主之。亦止吐血衄血。

經言。大腸小腸皆屬於胃。又云。陰絡傷則血內溢。今因胃中寒邪。併傷陰絡。致清陽失守。迫血下溢。二腸遂成木寒標熱之患。因取白朮附子湯之溫胃助陽。祛散陰絡之寒。具間但去薑朮之辛散。而加阿膠地黃。以固護陰血。具妙尤在黃芩佐地黃。分解而室之標熱。竈土領附子。直溫中土之本寒。使無格拒之虞。然必血色瘀晦不鮮。爲宜。苦紫。

赤濃厚光澤者。用之必殆。斯皆審證不明之誤。豈
立方之故歟。千金用續斷止血湯。方用續斷當
歸。桂心。蒲黃。阿膠。甘草。乾薑。生地黃。八味。附此以
備按證取用。

下血。先血後便。此近血也。赤小豆當歸散主之。

此方在狐惑例中。治脈數無熱微煩。默默但欲臥。
汗出。初得之三四日。目赤如鳩眼。七八日目四眦
黑。全是濕熱傷血。菟化為膿之候。此先血後便。乃
小腸熱毒流於大腸。爲火剋金之象。故亦主此方。

以赤小豆之清熱利水爲君。且浸令芽出。以發越
蘊積之毒。使丙丁之火。疾趨水道而降。佐以當歸
司統握之權。使血有所歸。而不致於散漫也。○千
金用伏龍肝湯。卽治先便後血之黃上湯中。除去
朮附。加乾薑牛膝地榆髮灰。與金匱主治。則有寒
熱之殊。不可不辨。可見治血。但使歸經。不必論其
遠近也。

心氣不足。吐血衄血。瀉心湯主之。

心氣不足。言陰津不足。非心火之不足也。故以大

黃導蘊結之火。芩連瀉心下之熱。而血自安矣。
趙養葵曰。凡腎經吐血者。俱是下寒上熱。陰盛於下。
逼陽於上之假證。世人不識。而爲所誤者多矣。吾獨
窺其微。而以假寒治之。蓋真陰失守。命門火衰。火不
歸源。陰邪逼其浮遊之火於上。上焦欬嗽氣喘。惡熱
面紅。嘔吐痰涎出血。此係假陽之證。須用八味丸引
火歸源。水探冷服。下噍之後。冷性既除。熱性始發。因
而嘔噦皆除。卽仲景人尿豬膽汁加於白通湯中。以
通格拒之意也。倘一服寒涼。頃刻立化。慎之哉。

人有偏陰偏陽者。此氣稟也。太陽之人。雖冬月身不
須綿。日常飲水。色慾無度。大便數日一行。苓連知藥
硝黃。恬不知怪。太陰之人。雖暑月不離複衣。食飲稍
涼。便覺腹痛泄瀉。參朮薑桂。時不絕口。一有慾事。呻
吟不已。此兩等人。各稟陰陽之一偏者也。與之談醫。
各執其性之一偏。而日爲全體。今之爲醫者。不鑒其
偏之弊。而製爲不寒不熱之方。舉世宗之。以爲王道。
豈知人之受病。以偏得之。感於寒則偏於寒。感於熱
則偏於熱。以不寒不熱之劑投之。何以補其偏而救

其弊哉。故以寒治熱。以熱治寒。此方士之繩墨也。然苦寒頻進。而積熱彌熾。辛熱比年。而沉寒益滋。者何耶。此不知陰陽之屬也。○凡治血證。前後調理。須按心脾肝三經用藥。心主血。脾裹血。肝藏血。歸脾湯一方。三經之藥也。遠志、棗仁補肝以生心火。茯神補心以生脾土。參、耆、甘草補脾以固肺氣。木香者。香先入脾。總欲使血歸於脾。故曰歸脾。凡有鬱怒傷肝。思慮傷脾尤宜。火旺者加山梔、丹皮。火衰者加肉桂、丹皮。又有八味丸以培先天之根。治無餘法矣。○血溢血

瀉諸畜妄證。其始也。宜以行血破瘀之劑。折其銳氣。而後區別治之。或問失血復下。虛何以當。答曰。血既妄行。迷失故道。不去畜利瘀。則以妄爲常。曷以禦之。且去者自去。生者自生。何虛之有。失血家須用下劑。破血。蓋施之於畜妄之初。亡血虛家不可下。蓋戒之於亡失之後也。

或問人身陽氣爲陰血之引導。陰血爲陽氣之依歸。何爲清濁相干。亂於中外。而攸血不歸經。則有上溢下脫之患。其血或從吐出。或從嘔出。或從咯出。或從

鼻出。或從眼耳齒舌出。或從津唾而出。或從肌膚而
出。或從二便而出。復有畜積不行者。爲患各有不同。
願一一顯示至理。條分藏府經絡之源。以啟學人蒙
昧。石頑答曰。經言血之與氣。異名同類。雖有陰陽清
濁之分。總由水穀精微所化。其始也。混然一區。未分
清濁。得脾氣之鼓運。如霧上蒸於肺。而爲氣。氣不耗。
歸精於腎。而爲精。精不泄。歸精於肝。而化清血。血不
瀉。歸精於心。得離火之化。而爲眞血。以養脾藏。以司
運動。以奉生身。莫貴乎此。雖經有上注於肺。乃化爲

血之說而實不離五行之氣化轉注如環也如上所
云。不過統論營衛血氣之大端。乃節文耳。夫營衛者
精氣也。血者神氣也。氣主煦之。血主濡之。雖氣稟陽
和。血稟陰質。而陰中有陽。陽中有陰。不能截然兩分。
其至清至純者。得君主之令。以和調五藏。藏而不失。
乃養藏之血也。具清中之濁者。乘輸運之權。以酒陳
六府。實而不滿。則灌注之血也。其清中之清者。會營
周之度。流行百脈。滿而不泄。此營經之血也。其源則
一。析而爲三。各有司屬。若各守其鄉。則陰平陽秘。安

有上溢下脫之患乎。蓋緣人之稟賦。不無偏勝。勢役不無偏傷。其血則從偏衰偏傷之處而滲漏焉。夫人稟賦既偏。則水穀多從偏勝之氣化。而勝者愈勝。弱者愈弱。陽勝則陰衰。陰衰則火旺。火旺則血隨之而上溢。陰勝則陽微。陽微則火衰。火衰則火失其統而下脫。其上溢之血。非一於火盛也。下脫之血。非一於陽衰也。但以色之鮮紫濃厚。則爲火盛。色之晦淡無光。卽爲陽衰。究其所脫之源。或緣藏氣之逆。或緣府氣之乖。皆能致病。從上溢者。勢必假道肺胃。從下脫

者。勢必由於二腸。及從膀胱下達耳。蓋出於肺者。或緣龍雷亢逆。或緣欬逆上奔。血必從之上溢。多帶痰沫。及粉紅色者。其出於心包。亦必上溢。色必正赤。如硃漆光澤。若此出便凝。摸之不粘指者。爲守藏之血。見之必死。出於脾者。或從胃脘上溢。或從小腸下脫。亦必鮮紫濃厚。但不若心包血之光澤也。出於肝者。或從上嘔。或從下脫。血必青紫稠濃。或帶血縷。或有結塊。出於腎者。或從欬逆。或從咯吐。或稀痰中雜出如珠。血雖無幾。色雖不鮮。其患最劇。間有從精竅而

山者。若氣化受傷。則從膀胱溺孔而出。總皆關乎藏氣也。其出於胃者。多兼水液痰涎。吐則成盤成盞。汪洋滿地。以其多氣多血。雖藥力易到。不若藏血之焦。然爲五藏之本。亦不可忽。其衄血種種。各有所從。不獨出於鼻者爲衄也。鼻衄皆火乘肺金。亦有陰盛迫其虛陽而脫者。雖經有藏府諸衄不同。然不離手太陰之經。所以治有從陰從陽。順治逆治之辨別。證有久衄暴衄。宜補宜瀉之懸殊。其齒衄有陽明少陰及風熱之辨。但從板齒出者爲牙宣。屬陽明。齒動搖者

爲骨病。屬少陰。齲腫上壅者。少陽風熱也。耳衄則有
肝腎二經之殊。但以常有不多不腫不疼者。爲少陰
之虛。暴出疼腫者。則厥陰經火也。眼衄亦屬厥陰。但
以卒視無所見者。爲實火。常流血淚者。素患之風熱
也。其有諸竅一齊湧出。多緣顛撲驟傷。或藥毒所致。
若因肝腎疲極。五藏內崩。多不可活。舌衄皆手厥陰
心包之火旺。但以舌尖破碎者。爲虛火。脹大滿口者。
挾龍雷之勢。而上侮君主也。涎中見血。爲唾衄。足太
陰經氣不約也。汗孔有血。爲肌衄。足陽明經氣不固。

也。如上諸病。皆緣營氣之逆滿。衛氣之疎豁。不能固護而行清道。總無關於藏氣也。其下行之血。見於魄門者。則以便前便後分遠近。近則大腸。遠則小腸也。以濺洒點滴分風溼。濺則風淫。滴則溼著也。以鮮紫清晦分陰陽。鮮則陽盛。晦則陽衰也。與腸澼之血。痔漏之血。婦人經癸胎產之血無異。雖由二腸。頗關經絡。是以隨經下趨。各有不同。至於崩淋下脫。倒經上溢。雖下上之岐路攸分。然皆衝脈爲病。而崩淋皆脾氣下陷。倒經則肝血上逆。以脾爲身之津梁。衝爲肝

之血海。是皆關乎藏氣。更有肝脾受傷。血雖不下而
氣色痿黃。大便稠黑。乃畜血之徵驗。爲患種種。難以
悉陳。如內傷發黃。鼓脹喘滿。腹大青筋。及產後敗血
流於經絡。皆畜血致病。但證有虛中挾實。治有補中
寓瀉。從少從多之活法。貴乎臨病處裁。大抵血氣喜
溫而惡寒。寒則泣不能流。溫則消而去之。此軒岐密
旨。但世之名於醫者。一見血證。每以寒涼濟陰爲務。
其始非不應乎。而取効於一時。屢發屢折。而既病之
虛陽愈衰。必致嘔逆喘乏。奪食泄瀉。尚以爲藥力未

速猛進苦寒。在陰不濟陽而上熱者。尚爲戈戟。况陽
不統陰而亡脫者。尤爲砒鴆。蓋因陽藥性暴。稍有不
順。下咽立見其害。不若陰柔之性。至死不知其悞。而
免旁人譏諺也。噫。醫之弊。僅爲知己道。難爲世俗言
也。

衄血

鼻衄

舌衄

齒衄

耳衄

目衄

肌衄

衄者血從經絡中滲出而行於清道也。傷寒衄血，貴熱在表，有麻黃越婢等法。雜病衄血，貴熱在裏，經絡熱甚，陽氣壅重，迫血妄行而出於鼻。從無發散之理。若因七情喜怒勞役過傷而致者，無論是何經絡，並宜茅花煎湯調止。衄散或四物加犀角、升、丹、皮、沉香。○六脈弦細而瀟，按之空虛，色白不澤者，脫血也。此大寒證，理中湯加黃耆。○六脈俱大，按之空虛，心動面赤，善驚上熱，乃手少陰心火旺而上熏於肺脈也。三

黃補血湯。○實熱衄血脈實大便秘者犀角地黃湯加木香大黃。衄血過多屢服犀角地黃湯不止此內虛寒而外假熱也千金當歸湯兼標本而治之若至夜發此因多汗衛氣大虛不能固其營血也當歸補血湯不効加木香更不効必是血虛火旺大劑保元湯若誤用涼血藥致瘀熱內結胸中作痛者一味水香酒磨頓服錢許立効。○內傷勞役之人喘嗽面赤發熱頭痛而衄此肺經氣虛失護衛之職致心包火炎經脈熱甚故行清道當歸補血湯加薄荷荊芥不

應補中益氣倍黃耆。慎不可用辛熱之藥。兼有風寒。小建中加葱豉。清道閉塞。流入胃脘。吐出清血。或衄血不盡。瘀積停留。致面目痿黃。大便黑色者。犀角地黃湯。擲撲而衄不止。小烏沉湯。調黑神散。暑而衄。五苓散加茅花。久衄不止。熱在下焦。血分六味丸加五味子作湯。不効加童便。有先因衄血。衄止而變生諸證。或寒熱間作。或喘急無寐。病狀不一。漸成勞憊。當於虛損諸證詳之。曾病衄後。血因舊路。或一月三四衄。又有洗面卽衄。日以爲常。並宜

止衄散茅花煎湯調下。大衄不止而浮腫者。蘇子降氣湯使血隨氣下。得力全在肉桂一味。久衄不已。須加氣藥。如木香香附之類。蓋血無氣引。則血不歸經也。有頭風。纔發則衄不止。用童便浸川芎一兩。童便製香附二兩。炙甘草半兩。共爲末。每服三錢。清茶調下。間用搐鼻法。

診○衄血脈浮大數者。爲邪伏於經。宜發汗。大而虛者。爲脾虛不能統攝。宜補氣。小而數者。爲陰虛火乘。宜攝火。茲瀉爲有瘀積。宜行滯。凡衄血之脈數實。或

堅勁或急疾不調皆難治久衄脈虛大頸額痛甚鼻
流淡黃水者死

大衄血。大衄血者口鼻俱出也。此積勞傷脾所致。
補中益氣倍黃耆當歸不應歸脾湯加童便藕節
舌衄。舌上忽出血如線。先用蒲黃煎湯漱之。次用
槐花炒研摻之。黃耆六一湯合生脈散服之。熱壅舌
上出血如泉。一味川文蛤爲散摻之。虛熱舌脹大出
血不止。生乾薑末蒲黃末摻之。

齒衄。血從齒縫中或齒齦中出者曰齒衄。又謂牙

宣有風壅。有腎虛。有胃火。風壅者。或齒齦微腫。或牽引作痛。消風散加犀角連翹。外擦青鹽。藜蘆末。腎虛者。口不臭。齒浮動。齒縫中點滴而出。若隱隱作痛者。虛風襲入腎經。腎主骨。齒乃骨之餘也。宜鹽湯下小安腎丸。不痛。腎虛而有火也。六味丸加骨碎補。外用青鹽炒香附末擦之。胃熱者。牙疼而齦間出血如涌。齒不動搖。其人必好飲。或多啖炙煇所致。口臭不可近。宜清胃散。甚者服調胃承氣湯。

耳衄。耳中出血。爲耳衄。兩關弦數。飲酒多怒。人屬

肝火柴胡清肝散尺脈弱或躁弱陰虛生料六味丸加五味子更以龍骨燒灰吹入卽止

眼翳○血從目出乃積熱傷肝或悞藥擾動陰血所致暴病發熱見此梔子豉湯加犀角秦皮丹皮赤芍悞藥成壞病見之雖用獨參保元生料六味皆不可救

肌衄○血從毛孔出者爲肌衄脈數當歸補血湯脈浮黃著建中湯脈弱保元湯脈盛當歸六黃湯

滑伯仁治一婦體肥氣盛因無子常服暖子宮藥

積久火盛迫血上行爲衄衄必升餘醫者猶以爲
上實下虛用丹劑鎮降之經云上者下之今血氣
俱盛溢而上行法當下導奈何實實耶卽與桃核
承氣三四下瘀積旣去繼服旣濟湯二十餘劑而
愈

一膏粱過飲致衄醫曰諸見血爲熱以清涼飲子
投之卽止越數日其疾復作又曰藥不勝病故也
遂投黃連解毒湯或止或作易數醫皆用苦寒之
劑向後飲食起居漸不及初肌寒而躁言語無聲

口氣穢臭其衄之餘波未絕或曰諸見血爲熱熱而寒正理也今不愈而反害之何耶蓋醫惟知見血爲熱而以苦寒攻之不知苦寒專瀉脾土脾土爲人之本火病而瀉其土火未除而土已病病則胃虛虛則營氣不能滋榮百脈元氣不循天度氣隨陰化故聲不揚而肌寒也惟當甘溫大補脾土斯可向安矣

石頑治朱聖卿鼻衄如崩三日不止較之向來所發之勢最劇服犀角地黃苓連知朮石膏山梔之

屬轉盛。第四日。邀余診之。脈弦急如循刀刃。此陰
火上乘。載血於上。得寒涼之藥。轉傷胃中清陽之
氣。所以脈變弦緊。與生料六味加五味子作湯。另
用肉桂末三錢。飛羅麩糊分三丸。用煎藥調下。甫
入喉。其血頓止。少頃口鼻去血塊數枚而愈。自此
一數年之患。絕不再發。

吐血

血溢

吐血

吐血

吐血

繆仲淳曰。吐血有三訣。宜行血。不宜止。血不循經。絡者。氣逆上壅也。行血則循經絡。不止自止。止之則血凝。血凝則發熱惡食。病日痼矣。○宜補肝。不宜伐肝。經曰。五藏者。藏精氣而不瀉者也。肝主藏血。吐血者。肝失其職也。養肝則肝氣平。而血有所歸。伐肝則肝虛不能藏血。血愈不止矣。○宜降氣。不宜降火。氣有餘便是火。氣降則火降。火降則氣不上升。血隨氣行。無溢出上竅之患矣。降火必用寒涼之劑。反傷胃。

氣胃氣傷則脾不能統血。血愈不能歸經矣。○今之療吐血者。大患有二。一則專用寒涼之味。如芩連山梔。四物知檠之類。往往傷脾作瀉。以致不救。一則專用人參。肺熱還傷肺。欬嗽愈甚。亦有用參而愈者。此是氣虛喘嗽。氣屬陽。不由陰虛火熾所致。然亦百中一二也。

劉默生曰。吐血一證。人惟知氣逆血溢。火升血泛。不知血在藏府。另有膈膜隔定。其血不能滲溢。夫膈膜者。極薄極脆。凡有所傷則破。破則血溢於上矣。故有

陽絡傷則血上溢。陰絡傷則血下滲。已傷之膜。若有復傷。其吐必多。膈膜雖傷。傷處有瘀血凝定。血來則緩。若陰火驟冲破瘀積之血。血來如潮之上湧。自覺漚漚有聲。彼時喘息不定。面赤如醉。煩躁不寧。心神昏亂。一皆龍雷之勢。脈亦急疾難憑。少頃火退神清。而白氣平。血亦漸止。方可診切用藥。須乘此時。瘀積蕩盡。緩緩清理。徐徐調補。然不可驟進。亦不可用耗氣之藥。悉知此義。治血有本矣。○吐血者。一吐則傾盆盈碗。或鮮散中兼紫黑大塊。吐後不卽凝結。蓋吐

血出於胃。胃爲水穀之海。多氣多血。所以吐多而不
卽凝。以中雜水穀之氣也。皆勞力內傷中氣而得。亦
有醉飽接內而致者。治法不可驟止。止則使敗血留
積爲瘀血之根。不時舉發。爲害非輕。亦不宜峻攻。復
傷其血。只宜清理胃氣。以安其血。如犀角地黃湯。隨
證加桃仁、茜根、橘紅、木香、大黃、童便之屬。吐久不止。
內虛寒而外假熱。千金當歸湯。不應。用十灰散。遏之。
若血色瘀晦如污泥。爲陽不制陰。宜花葉石散。溫以
散之。○吐血初起。脈俱洪數者。屬外因。須用參蘇飲。

加歸身。倍茯苓。蓋茯苓能守五藏真氣。瀉腎中伏火。去脾胃中滯。二三劑後。脈數退而洪不退者。用六味地黃丸。加沉香。以納氣歸元。若洪退弱極。用四君子加橘紅。以補脾生肺。慎不可用涼藥。蓋火載上行。逆也。復用涼藥。強爲降下。豈非逆而又逆乎。不若發散之爲愈也。○上膈壅熱。胸腹滿痛。吐血脈洪大弦長。按之有力。精神不倦。或覺胸中滿痛。或血是紫黑塊者。用當歸、丹皮、荆芥、阿膠、滑石、酒大黃、玄明粉、桃仁、泥之。服從大便導之。此釜底抽薪之法。不知此而從

事於苓連知槩之屬。輔四物而行之。使氣血俱傷。脾胃多敗。百不一生也。○吐血在暑天。病人口渴面垢。頭暈乾嘔。五苓散。或桂苓甘露飲。並加麥冬五味藕節汁。○酒後悶嘔。血從吐後出者。新定紫苑茸湯。○飲酒過多。傷胃吐血。六君子加香砂乾葛。○傷胃吐血。因飲食太過。不能消化。煩悶強嘔。因傷胃口吐血。腹中絞痛自汗。其脈緊而數者。難治。枳實理中湯加丹皮藕豆灰。○諸失血後。倦怠昏憤。而失色。嬾於言語。濃煎獨參湯加橘皮。所謂血脫益氣也。○勞心太

過吐血不止。歸脾湯去木香。加門冬阿膠。○婦人倒經。血溢於上。蒸熱欬嗽不除。及男子精木充而御女。而成虛勞失血。並宜烏骨雞丸。吳順丸。選用。若血色晦淡不鮮。無論上吐下失。俱當用溫熱之劑。如甘草乾薑溫理中氣。切禁寒涼。若至衄血血水難已。○胃中熱甚。迫血妄行。犀角地黃湯加大黃灰木香桃仁。○吐血勢不可遏。胸中覺氣塞滯。吐紫黑血者。桃仁承氣加茜根。○千金翼治吐血。用生地汁半升。煎三兩沸。調生大黃末一方寸匙。分三服。治熱毒吐血有

効。○有時吐血兩口。隨即無事。數日又發。經年累月。不愈者。小烏沉湯送黑神散。不時常服。○吐甚不止者。栢葉乾薑等分。加艾少許。入童便服。○失血後。頭暈發熱者。往往有之。此是虛火上炎外擾之故。不可誤認外感而用風藥。○吐血發渴。名曰血渴。十全大補湯。或生脈散。加黃耆煨葛根。枇杷葉。量胃氣虛實。用之。○暴吐血新止後。丹方用燕窩菜冰糖各四錢。同煮服之。連服五七日。永不復發。○吐血脈以微細爲順。洪大爲逆。血若暴湧如潮。喉中汨汨不止。脈見

虛大。此火勢未歛。不可便與湯藥。急以熱童便。或藕汁灌之。俟半日許。脈勢稍緩。可進調養之劑。倘寸關雖弱。而尺中微弦。爲陰虛。以防午後陰火上升。上午宜服獨參保元。以統其血。午後與六味丸加童便半匙。以濟其陰。服後脈漸調和。飲食漸進。肢體輕捷。面色不赤。足膝不冷。身不灼熱。額無冷汗。溲便如常。雖有紫黑血塊。時欲咯出。而無鮮血上行。方許可治。血雖止而脈大不減。或雖小而弦細數疾。或弦硬不和。慎勿輕許可治。亦有他部柔和。而左手關尺弦強者。

爲陰虛火旺。最爲危兆。其變有三。一則陰火引血復上而暴脫。一則虛陽發露而發熱。一則火上逼肺而喘欬。此終不救。○脫血用大劑人參。益氣以固血。惟血色鮮明。或畧兼紫塊者宜之。若見晦淡者。爲血寒而不得歸經。須兼炮黑乾薑。或大劑理中溫之。尺部脈弦。大劑生料六味加肉桂引之。亦有用肉桂爲末。和獨參湯服者。若血色如硃。光亮如漆。吐出卽乾。以指甲剔之。成片而起者。雖能食不倦。後必暴脫而死。若血中見似肉似肺。如爛魚腸。此胃中脂膜爲邪火。

所樂凝結而成。方書咸謂必死。然吐後凝結既去。而不發熱。能進飲食。令服小劑。異功保元。大劑六味都炁。多有得生者。不可盡委之於無救也。○此證宜與前虛損門參看。

嘔血。○嘔血者。血從腹脇而上。大嘔而出。乃肝火內旺。鼓激胃中之血。上湧。猶龍奮於澤。而波濤爲之沸騰也。嘔血證治有三。一、屬暴怒。火逆傷肝。其證胸脇痛甚。則厥逆。柴胡疎肝散加酒大黃。一、屬極勞奔馳傷肝。其證遍身疼痛。或時發熱。犀角地黃湯加當歸。

肉桂桃仁泥。一屬竭力房勞傷肝。其證而赤足冷煩躁口渴。生脈散合加減八味丸。陽衰不能內守而嘔者。異功散研服八味丸。然不戒房室思慮勞役。終不救也。房室勞傷。氣竭傷肝而有乾血者。四烏鯁骨一慮茹丸。兼童便藕汁之類。

唾血。○平時津唾中有血如絲。或浮散者。此屬思慮傷脾。脾虛不能統血也。有兼心兼腎兼胃之不同。兼心加味歸脾湯。兼腎六味丸加五味子肉桂。兼胃四君子湯加黃耆山藥粟米。各七珍散。食少痰清者異。

功散加枇杷葉白藕豆豉。胃中痰食不清吐血。加半
夏生薑。卽白藕豆豉散。

欬血○欬血者。因欬嗽而見血。或乾欬。或痰中見紅
絲血點一兩口。氣急喘促。此雖肺體自燥。亦爲火逆
欬傷血膜。而血隨痰出也。其脈微弱平緩易治。弦數
急實氣促聲嘶咽痛者不治。得此證者。若能靜養。庶
有生理。治宜六味丸加門冬五味。清金壯水爲主。畧
兼阿膠貝母百合欬冬紫苑。潤肺止欬之劑。血止後
胃虛少食。氣息不續者。切勞散去半夏加紫苑茸。及

瓊玉膏調理之。○欬血久而成勞。或勞成而欬血。肌
肉消瘦。四肢倦怠。五心煩熱。咽乾煩赤。心中潮熱。盜
汗減食。異功散加阿膠。或四君子加黃耆。鼈甲麥冬
五味。○陰虛火動而欬血。或痰中有血星如珠者。生
料六味丸加茜根烏賊骨童便。○欬血不止。至夜發
熱。吐痰或帶血絲者。六味丸加蛤粉童便。臨卧服。○
肥盛酒客輩。痰中有血。滾痰丸蒐滌之。○欬唾膿血。
欬卽胸中隱隱痛。脈反滑數。或數實者。此爲肺癰。更
於本門求之。

咯血。○咯血者。不嗽而喉中咯出小塊。或血點是也。其證最重。而勢甚微。常咯兩三口卽止。蓋緣房勞傷腎。陰火載血而上。亦有兼痰而出者。腎虛水泛爲痰也。陰虛多火。黑瘦之人。最忌犯此。初起宜紫菀、麥冬、茯苓、棗仁、山藥、白芍、丹皮、童便。以清手足少陽厥陰諸經遊散之火。後以六味丸加牛膝滋補腎陰。以安其血。慎不可用攻血藥也。

滑伯仁曰。咯血爲病最重。以肺爲清肅之藏。金爲陰火所制。水虧火旺。迫而上行。以爲咯血。逆之甚矣。經

謂上氣見血。下聞病音者。言喘出於腎。而咯出於肺也。余嘗用生料六味丸加麥冬五味。下靈砂丹治之。是得內經之旨也。然多有兼挾風寒。飲食而發者。不可誤認本病而與前藥。若兼風寒。則人迎浮盛。或見弦緊。飲食則氣口短滑。或反伏濇。風寒則黃耆建中。飲食則枳實理中。不可妄用他藥。

喻嘉言曰。夫血病有新久微甚。無不本之於火。然火有陰陽不同。治法因之迥異。經云。暴病非陽。則其爲火也。卽非陽火甚明。陽火者。五行之火。何暴之有。設

其暴也。復可以五行之水折之。惟夫龍雷之火。潛伏陰中。方其未動。不知其爲火也。及其一發。暴不可禦。以故載陰血而上溢。故凡用涼血清火之藥。未有不轉助其虐者。大法惟宜溫補其陽。以制陰火之僭。經謂咯血者。屬腎。明乎陰火發於陰中。其血咯之成塊而出。不比欬嗽痰中帶血爲陽火也。此義從前未有發明。惟仲景云。誤發少陰汗。動其經血者。下厥上竭。爲難治。後人隨文讀去。總置不講。不知下厥者。陰氣逆於下也。上竭者。陰血竭於上也。蓋氣與血兩相維。

附氣不得血。則散而無統。血不得氣。則凝而不流。故陰火動。而陰氣不得上奔。陰氣上奔。而陰血不得不從之上溢而竭矣。血既上溢。其隨血之氣散於胸中。不得復返於本位。則下厥矣。陰既逆於下。勢必能雷之火應之。血不盡竭不止也。仲景所以斷爲難治者。非直不治也。吾爲大闢其局。則以健脾中之陽氣爲第一義。健脾之陽。一舉有三善。一者脾中之陽氣壯。而龍雷之火潛伏也。一者脾中之陽氣旺。而胸中窒塞如太空不留穢翳也。一者脾中之陽氣旺。而飲

食運化精微復生其已竭之血也。今方書妄引久嗽成勞痰中帶血之陽證。不敢用健脾增欬爲例。不思咯血卽有欬嗽。不過氣逆氣下則不欬矣。况原無欬嗽者乎。古方治龍雷之火。每用桂附引火歸元之法。然施之於暴血之證。可暫不可常。蓋已虧之血。恐不能制其悍。而未動之血。恐不可滋之擾耳。此以崇土爲先。土厚則濁陰不升。而血患自息也。

血溢。○原病式云。血溢者。上出也。心主血。熱甚則血隨火而妄行。或謂嘔吐紫凝血爲寒者。誤也。此非冷

凝。由熱其銷燬而爲稠濁。熱甚則水化制之。故赤兼黑而爲紫也。瀉心湯蓋火性急速。故至溫脫。從未見有屬陰寒者耳。○或偶觸破傷血。遂泉湧不止。惟用十全大補湯頻頻多服。外用杏仁研細。拌白麩水調塗之。

九竅出血。○是證非中毒。卽跌撲受傷。中毒者。用生羊血等法。受傷者。觀其人不發熱。尚能飲食者。頻灌熱童便。無故發熱。九竅出血者。肝腎疲極。五藏內崩也。多不可治。若見血水必死。若因勞傷者。補中益氣。

倍參耆。或胎髮灰。大剉汁。人參湯調服。或血餘灰。每服二錢。以茅根車前草煎湯調下。

氣有餘便是火。血隨氣上。補水則火自降。順氣則血不逆。阿膠牛膝丹皮。補水之藥也。蘇子橘紅沉香。順氣之藥也。童便者。引血歸下竅。兼有行瘀之能。藕汁者。達血使無滯。而有止瀉之力。○脈來沉實。腹中滿痛。或吐血塊。或爲瘀血畜血。當歸桃仁赤芍延胡索。蓬朮大黃之屬。○怒傷肝木。則血菀於上。使人薄厥。沉香木香青皮芍藥丹皮之屬。○勞心。蓮肉棗仁薯

藟、茯神、紫苑、栢仁、丹參之屬。○房勞、熟地、枸杞、牛膝、杜仲、鹿茸、人參之屬。○血熱、地骨、丹皮、犀角。○血寒、桂心、附子。○血熱不止、山梔灰、黃連灰。○血凝、髮灰、大黃灰、乾漆灰。○血寒、乾薑灰。○血滑、樓櫚灰、蓮房灰。○血虛、地黃灰。○三七、鑾金、行血中之氣、側柏、京血中之熱、大小蓳、行血中之滯、茅根、導之使下行也。診○經曰、安卧脉盛、謂之脫血、失血脉數大爲陽盛、瀋細爲少血、細數爲陰火鬱於血中、芤爲失血、血虛氣不歸附也、弦緊脇痛爲瘀結、諸血皆屬於肝也、脉

來寸口大。尺內微。爲肺中伏火。尺中盛而寸口虛大。爲腎虛陰火。尺滑而疾。爲血虛有熱。右手虛大。爲脾胃之火。左手數盛。爲肝膽之火。大抵失血脈微弱細小而和緩者。易治。洪數實大弦急。或雖小。按之如引葛。如循刀。及衄血身熱。脈至而搏。嘔血胸滿。引背。脈小而疾者。皆不治。

汪石山治一中年人而色蒼白。平素內外過勞。或爲食傷。則咯硬痰而帶血絲。因服寒涼清肺消痰藥。至五十餘劑。聲漸不清。而至於啞。夜臥不寐。醒

來口苦舌乾而常白胎、或時喉中梗癢、或胸膈痛、
或噯氣、夜食難化、或手靠物、久則麻木、常畏寒、不
怕熱、前有癰疽、後有內痔、遇勞卽發、初診左脈沉
弱而緩、右脈浮軟無力、續後三五日一診、或時心
肺二部浮虛、按不應指、或時脾脈輕按格指、重按
不足、又時或數或緩、或浮或沉、或大或小、變動無
常、夫脈無常、血氣虛而隨火用事也、譬之虛僞之
人、朝更夕改、全無定准、以脈參證、其虛無疑、蓋勞
則氣耗而傷肺、肺傷則聲啞、又勞則傷脾、脾傷則

一食易積前疝後痔遇勞則發者皆因勞耗其氣氣
一虛下陷不能升降故也且脾喜溫惡寒而肺亦惡
一寒故曰形寒飲冷則傷肺以既傷之脾肺復傷於
藥之寒涼則聲安得不啞舌安得不胎胎者仲景
謂之胃中有寒丹田有熱也夜不寐者山子盜母
氣心虛而神不安也痰中血絲者由脾傷不能固
血也胸痛愛氣者氣虛不能健運食鬱於中而愛
氣或滯於上則胸痛遂以參耆各四錢麥冬當歸
貝母各一錢遠志棗仁丹皮茯苓神各八分菖蒲甘

草各五分有食則加山查麥芽隨病出入服年餘一而漸愈此病屬於燥熱故白朮尚不敢用况他燥劑乎。

又診一人年二十餘形瘦色脆病欬血醫用滋陰降火清燥之藥延及三年不減又一醫用參蘇飲去人參服之病益劇延汪診之脈雖五至而細其證皆逆不可治也或曰五至平和之脈何不可治汪曰五藏已衰六府已竭九候雖調猶死也視其形證皆屬死候經曰肉脫熱甚死嗽而下泄上喘

米死嗽而左不得眠肝脹右不得眠肺脹俱爲死
證今皆犯之雖能飲食不爲肌膚去死近矣越五
日果死凡患虛勞犯前數證又或嗽而聲啞喉痛
不能藥食或嗽而肛門發癢者皆在不救醫者不
可不知

喻嘉言治一人素有失血病晨起陡暴一口傾血
一盆喉間氣壅神思飄蕩壯熱如蒸頭筋粗勁診
其脈尺中甚亂曰此昨晚大犯房勞也因出驗血
色如太陽之紅再至寢所謂曰少陰之脈繫舌本

少陰者腎也。今腎家之血洶湧而出。舌木已硬。無法可以救急。不得已用丸藥一服。鎮安元氣。若得氣轉丹田。尚可緩圖。因濃煎人參湯下黑錫丹三十粒。喉間汨汨有聲。漸入少腹。頃之舌柔能言。但聲不出。急用潤下之劑。以繼前藥。遂與阿膠一兩溶化。分三次熱服。半日服盡。身熱漸退。頸筋漸消。進粥與補腎藥。多加秋石服之。遂愈。

石頑治刑部湯元洲年八十二。而痰中見血。服諸寧嗽止血藥不應。脈得氣口芤大兩尺微緊。而色

槁白、屢欬痰不得出、欬甚方有黃色結痰、此精氣神三者並虧、兼傷於熱、耗其津液、而欬動肺胃之血也、因其平時多火、不受溫補、遂以六味丸合生脈散、加麥冬、煎膏服之、取金水相生、源流俱澤、而欬血自除、不必用痰血藥也。

又治錢曙昭、久欬吐血、四五日不止、不時開熱面赤、或時成盆成碗、或時吐粉紅色痰、至夜則發熱自汗、一夕吐出一團、與魚腸無異、雜於鮮血之中。薄暮驟湧不已、神氣昏昏、欲脫灌童子小便、亦不

止、同道相商無策、因思瘀結之物既去、正宜峻補之時、遂猛進獨參湯稍定、緣脈數疾無力、畧加肉桂炮薑童便少許、因勢利導、以歛虛陽之逆、一夜中盡參二兩、明晨其勢稍定、血亦不來、而糜粥漸進、脈息漸和、改用六味丸作湯、調補真陰、半月而安、同時有胡又曾亦患虛勞吐血、一夕吐出如守宮狀者一條、頭足宛然、色如櫻桃、不崇朝而斃、陸晦菴曰、昔余患吐血、暴湧如潮、七八日不已、吾吳諸名家莫能救止、有雲間沈四雅寓吳中、延請

調治慨然擔當求其定方用人參三兩附子一兩
肉桂一錢舉家惶惑未敢輕用越二日其血益甚
更請診視求其改用稍緩之方彼云病勢較前更
劇前方正欲收定始克有濟更加人參至五兩附
子至二兩親戚見之愈驚彼曰喘嘔脫血數日不
止且頭面開熱下體厥冷正陽欲脫亡之兆命在
呼吸若今日不進來日不可爲矣子姪輩懇其稍
裁參附彼堅持不允力諭放膽煎服僕當坐候成
功親友見予勢急且見其肯坐候進藥料可無虞

遂依方求服彼欣出熟附二十餘塊接咀而稱二兩。同人參五兩煎成入童便地黃汁一大碗調肉桂末冷服服後少頃下體至足微汗使得熟睡睡覺血止喘定周身柔和漸可轉側因餽十二金求其收功不受加至二十金始受愈後盛見垣先生見其一劑而効心甚疑駭詢其居常無病時垣服人參兩許無間今雖五兩峻補止煎數沸其味未盡猶可當之至於血證用附子二兩從古未聞因密貽其製藥者云慣用附子汁收入甘草其附已

經煎過十餘次雖用二兩不抵未煎者二三錢始知方士之術如此

飛疇治蘇天若乃郎質旭新婚後於五月中暴吐血數升昏夜遂視湯藥不及命煎人參五錢入童便與服明晨諸醫咸集以爲人參補截瘀血難以輕用議進生地山梔牛膝等味予曰六脈虛微而數無瘀可知血脫益氣先聖成法若謂人參補瘀獨不思血得寒則凝反無後患耶今神魂莫主轉側昏暈非峻用人參何以固其元氣之脫乎遂進

參一兩二服頓安次與四君保元六味等間服後
以烏骨雞丸調理而痊

瘦血

經云胞移熱於膀胱則癃溺血。可知溺血之由。無不本諸熱者。多欲之人。腎陰虧損。下焦結熱。血隨溺出。脈必洪數無力。治當壯水以制陽光。六味加生牛膝。○溺血不止。牛膝一味煎膏。不時服之。○有氣虛不能攝血者。玉屑膏最妙。方用人參黃耆等分爲末。以白萊菔切片蜜炙。不時蘸末食之。豈非虛火宜補。宜緩之意歟。然痛屬火盛。則謂之血淋。不痛屬虛。謂之瘦血。二者不可不辨。○瘦血先與導赤散加桂苓作

湯若服藥不効此屬陰虛五苓散加膠艾下四味鹿茸丸。小便自利後有血數點者五苓散加桃仁赤芍暴病脈滑實者加大黃滑石甘草延胡索下之。洩血日久元神大虛而挾虛熱所下如砂石而色紅有如石淋之痛神砂妙香散加澤瀉肉桂病久滑脫者去黃芩山藥桔梗木香加服飛龍骨益智仁卽王荊公妙香散虛寒以此湯吞四味鹿茸丸。老人洩血多是陰虛亦有過服助陽藥而致者多難治惟大劑六味丸加紫苑茸作湯服之。欬而洩血脫形脈小

勁而搏逆也。○洩血日久形枯色痿癰閉如淋三便引痛喘急虛眩行步不能者與死爲鄰矣。

石頑治中翰徐藝初夫人溺血兩月不止平時勞心善怒有時惱怒則膈塞氣壅鹿門諸醫雜治罔効。遍邀吳門婁東松陵諸名家因而下及於余。余至方進香薷飲一服及診切之兩手關尺皆弦細少力兩寸稍大而虛遂疏異功散方令其久服可保無虞。若有惱怒間進沉香降氣散一切涼血滋陰咸宜遠之以之治病徒滋傷胃之患而無陽生

之力也。觀列坐諸醫，詔諛萬狀，各欲獻伎以逞其能。慚余疎邁，不情趨踴於時。况余圓姪孫壽民，又爲刑部從菴之倩，與藝初郎舅至戚，不便久留。因謂之曰：東南名公雲集，無藉蕩蕩。明晨遂扁舟解維，後聞諸治不効，更進他醫，究不出參朮枚功耳。又治內弟顧元叔，溺血，溺孔不時疼癢，溺則周身麻木，頭旋眼黑，而手足心經脈絀急，痠麻尤甚。脈來弦細而數，兩尺搏堅，與生料六味，或加牛膝，或加門冬，服之輒効，但不時舉發，復以六味合生脈。

用河車熬膏代蜜丸服而痊一徽商夏月過飲燒酒溺血或用辰砂益元散不効服六味湯亦不効予用導赤散三嚙而愈有文學宋孝先年七十餘溺血點滴潛痛諸藥不効服生料六味亦不効云是壯歲鰥居絕慾太早之故或令以菜豆浸溼搗絞取汁微溫日服一碗而愈煮熟卽不應也

下血

血之在身有陰有陽陽者順氣而行循流脈中調和五藏洒陳六府如是者謂之營血也陰者居於絡脈專守藏府滋養神氣濡潤筋骨若是藏感內外之邪傷則循經之陽血至其傷處爲邪氣所阻漏泄經外或居絡之陰血因著留之邪擗裂而出則皆滲入腸胃而泄矣世俗每見下血率以腸風名之不知風乃六淫中之一耳或有風從腸胃經脈而入客者或外淫風水之邪內乘於腸胃者則可謂之腸風若其他

不因風邪而腸胃受火熱二淫與寒熱燥濕怫鬱其
氣及飲食不節用力過度傷其陰絡之血者亦謂之
腸風可乎蓋腸風所下之血清而色鮮四射如濺乃
風性使然素問所謂久風入中則爲腸風飧泄是也
先與瀉青丸一二劑後與逍遙散加酒煮黃連羌防
烏梅虛人人參胃風湯最捷人所不知若肛門射血
如線或點滴不已者乃五痔之血當詳本門治之血
濁而色黯者爲藏毒蘊積毒氣久而始見也宜小烏
沉湯下黑神散脈實便秘勢盛者藏連丸腸風挾溼

毒者下如豆汁兼紫黑瘀血此醇酒厚味所釀之淫
由足陽明隨經入胃淫溢而下也脈細有寒者升陽
除溼防風湯脈數有熱者去二朮加黃連當歸甘草
○腸風下血以劉寄奴半兩芽茶一兩墨灰三錢爲
散分三服烏梅湯送下其血立止後宜多服歸脾湯
調理○腸風下血其血另作一派濺出遠射四散如
篩腹中作痛乃陽明氣衝熱毒所作也人參敗毒散
不應用升陽除溼和血湯○宿有血證因時熱下紫
黑血乃溼毒腸澼陽明少陽經證也升陽益胃湯○

下血久而不已。面色痿黃。下元虛憊者。四君子加黃
耆歸芍。下斷紅丸。虛甚十全大補湯去茯苓加防風。
○潔古云。下血防風爲上。使黃連爲中。使地榆爲下。
使。○千金云。先見血後見便爲遠血。宜服黃土湯。先
見便後見血爲近血。宜服赤小豆當歸散。金匱以先
遠血先血後便爲近血。傳寫之誤。因胃中受冷不能
統血。失其營運而下。故宜黃土湯溫之。若大腸受熱
不能攝血。營行過疾而下。故宜赤小豆當歸散清之。色鮮紫者爲熱傷陰絡。槐
花炒研米湯服之。槐角煎膏尤妙。色稀淡者爲脾虛。
一味白朮米湯丸服。色瘀晦者爲積血。以亂髮二兩

紅花四兩入燭成罐中煨過去紅花灰止用髮灰研
細分三服空心炒黑地榆煎湯送下三日必効。下
血雖曰大腸積熱亦當分虛實不可純用寒涼必加
辛散爲主久之不愈宜理胃氣兼升舉藥故大便秘下
血多以胃藥收功不可徒用苦寒也。○戴復庵曰色
鮮紅爲熱色瘀淡爲寒寒血因腸胃受冷營行失度
而下四物加炮薑炙甘草。熱血因熱毒之氣蘊於腸
胃或飲酒過度及喫炙燻所致四物加茜根槐花酒
黃連炒黑山梔之類。○因冷飲中寒或雜食生冷血

爲寒凝而下必腹痛色晦淡宜附子理中倍炮薑煎
酒黃連○陰結便血者厥陰肝血內結不得陽氣統
運滲入腸間而下非謂陰寒內結也補中益氣倍黃
耆加炮薑上二證諸家悉採寶鑑平胃地榆湯結陰
丹從無言及其非者敢力正之○內傷瘀血胸膈小
腹急痛桃仁承氣湯代煎當湯隨痛之高下選用大
黃俱宜童便浸透更用韭汁製虛人可畧加桂附二
三分若瘀滯色晦不鮮者又當川溫血藥始得奏効
○血枯大便燥結而下鮮紫血者此大腸燥結而下

也。一味槐角膏涼潤之。又方真蘇油冲入腐花。空腹食之。三日即愈。○腸風便血一味旱蓮花濃煎葱白湯過口。一服立効。又方治腸風便血劉寄奴半兩。松蘿茶一錢。烏梅肉一枚煎服効。○中盛藏府敗壞下血如雞肝如爛肉心腹絞痛者是也。治可馬蘭根末水服方寸匙隨吐而出。

李士材治一人患腸風下血久用四物苓連槐花之屬屢發不止而色痿黃診其脉惟脾部浮而緩。此土虛而風溼交乘也。遂用蒼朮三錢茯苓人參

黃耆升麻柴胡防風各一錢四劑而血止改用十全大補湯調理而愈

石頑治吳興韓晉度春提錦旋患腹痛泄瀉下血或用香連丸遂飲食艱進少腹急結雖小便癃閉而不喜湯飲面色痿黃晝夜去血五十餘度邀余診之氣口脈得沉細而緊詢其所下之血瘀晦如莧汁與理中加肉桂二錢一劑溺通小腹卽寬再劑血減食進四劑泄瀉止三四次去後微有白膿與補中益氣加炮薑四劑而康

畜血

夫人飲食起居一失其節皆能使血瘀滯不行也。蚘者血畜上焦，犀角地黃湯心下手不可近者，血畜中焦，桃核承氣湯臍腹下腫大便黑者，血畜下焦也。抵當湯丸下瘀血湯及代抵當湯隨輕重選用。三焦畜血俱見左脈以肝主諸血故也。○登高墜下重物撞打箭簇刃傷胸腹積血不散以童便同酒煎大黃隨輕重下之。或香殼散加童便腰脇滯痛復元通氣散去牽牛加枳殼柴胡牡丹皮惡血留於腹脇痛不可

忍復元活血湯挾血如見祟狀當歸活血湯醉飽入
房竭力傷肝畜血在胃口者韭汁童便下越鞠丸不
應合平胃散去蒼朮加桃仁丹皮相和服虛人即中
越鞠相和服在少腹代抵當丸加熟附子三分虛者
必加人參錢許以助藥力○身有寒熱發黃脈弦細
而伏服補瀉諸藥不應千金用大黃芒硝歸尾桃仁
人參桂心爲散酒服二方寸匙藉參桂之力以攻之
○膏粱肥盛多味痰溼熱血畜胃口或兼脇滿或少
腹結痛朝川瀆血丸兼培胃氣夕用變通抵當丸專

散畜血方得峻藥緩攻之妙。○虛人雖有瘀血其脈亦芤必有一部帶弦宜兼補以去其血。桃核承氣加人參五錢分三服緩攻之可救十之二三。又中氣虛人胃脘有死血每食薑湯必呃宜人參雲朮各二兩爲末桃仁一兩同乾漆炒去漆細研蜜丸彈子大早晚細嚼一九醇酒下。

石頑曰畜血下黑如漆最爲危殆但下後神氣稍寧脈無變異卽爲可療若下後神氣昏憤脈見虛脫加以厥冷呃逆多不可救如鍼工戚文郁停食感冒後

大便下黑如漆煩擾不寧脈來弦勁而數此瘀垢未

盡與歸丹苓桂牛膝陵鯉之屬復下瘀黑升許而瘥

○嚴文式泰山

失記
姓氏

積勞發熱七八日間亦下黑如

漆兩日後神識稍安脈來濡弱知瘀黑已盡與獨參

湯童便調補而痊○日科鄒泰山怒氣傷肝嘔逆不

食五六月後下血如漆脈得弦小而疾按之則衰此

瘀去而肝氣未平也沉香降氣散疎之愈○禮科姜

如農氣竭肝傷而下瘀血光亮如漆三四日連綿不

已神識昏迷時加微哕脈來弦大而芤此正氣告匱

脈隨虛陽鼓激而見虛大也。雖倉扁復生奚益哉。
李士材治張鳴之吐血兩年而色痿黃潮熱欬嗽
膈有微痛脈數而沉且搏其痛不可按而甚於夜
分是堅血畜積非大下之不可又以久病未敢峻
攻用鬱金降真歸地山甲蓬朮人參下血如漆者
數次而痛減月餘復痛此病重而藥輕也乃以大
黃乾漆蓬朮鬱金山甲肉桂歸尾桃仁蟲蟲爲丸
每日服參耆之劑午後服丸藥錢許十日血積大
下數次而安

盧不遠治來。歷庵廉憲乃姪。身體豐碩。傷寒已二
十八日。人事不省。不能言語。手足揚擲。腹脹如鼓。
而熱烙手。目赤氣羸。齒槁舌黑。參附石膏消黃芩。
連無不遍服。諸名公已言旋矣。診之。脈濁鼓指。用
大黃一兩。佐以血藥一劑。下黑臭血一二斗。少蘇。
四劑始清。夫治病用藥。譬之飲酒。滄海之量。與之
涓滴。則喉膺轉燥矣。顧若大軀體病邪甚。淡不卜
倍其藥。何能克効哉。

諸痛門

諸痛

素問云寒傷形熱傷氣氣傷痛形傷腫故先痛而後腫考氣傷形也先腫而後痛者形傷氣也

寒氣客於脈外則脈寒脈寒則縮踈縮踈則脈絀急脈絀急則外引小絡故卒然而痛得炅則痛立止因重中於寒則痛久矣○寒氣客於經脈之中與炅氣相薄則脈滿滿則痛而不可按也寒氣稽留炅氣從上則脈充大而血氣亂故痛甚不可按也○寒氣客

於腸胃之間膜原之下血不得散小絡急引故痛。按之則血氣散故按之痛止。○寒氣客於俠脊之脈則深按之不能及故按之無益也。○寒氣客於衝脈衝脈起於關元隨腹直上寒氣客則脈不通脈不通則氣因之故喘動應手矣。○寒氣客於背俞之脈則血脈滿脈滿則血虛血虛則痛共俞注於心故相引而痛按之則熱氣至熱氣至則痛止矣。○寒氣客於厥陰之脈厥陰之脈者絡陰器繫於肝寒氣客於脈中則血滿脈急故脇肋與少腹相引痛矣。○厥氣客於

陰股寒氣上及少腹血滯在下相引故腹痛引陰股
○寒氣客於小腸膜原之間絡血之中血滯不得注
於大經血氣稽留不得行故宿昔而成積矣○寒氣
客於五藏厥逆上泄陰氣竭陽氣未入故卒然痛死
不知人氣復返則生矣○寒氣客於腸胃厥逆上出
故痛而嘔也○寒氣客於小腸小腸不得成聚故後
泄腹痛矣○熱氣客於小腸腸中痛痺熱焦渴則堅
乾不得出故痛而閉不通矣

岐伯歷舉卒痛一十三條屬熱者止一條餘皆屬

寒辨之之法當知按之痛緩者爲純寒痛其不可
按者爲寒伏火邪以能閉塞陽氣最甚也

張介賓曰後世治痛之法有曰諸痛屬實痛無補法
者有曰通則不痛痛則不通者有曰痛隨利減者互
相傳授皆以爲不易之定法不知形實病實便閉不
通者乃爲相宜或形虛脈弱食少便泄者豈容混治
觀王荊公解痛利二字曰治法云諸痛爲實痛隨利
減世俗以利爲下也假令痛在表者實也痛在裏者
實也痛在血氣者亦實也故在表者汗之則愈在裏

者下之則愈在氣血者散之行之則愈豈可以利爲下乎宜作通字訓則可此說甚善已得治實之治矣然痛證亦有虛實治法亦有補瀉辨之不可不詳須知痛而脹閉者多實不脹不閉者多虛拒按者爲實可按者爲虛喜寒者多實愛熱者多虛飽則甚者多實饑則甚者多虛脈實氣盛者多實脈虛氣少者多虛新病年壯者多實久病年衰者多虛補而不効者多實攻而愈劇者多虛痛在經者脈多弦大痛在藏者脈多沉微故表虛而痛者陽不足也非溫經不可

裏虛而痛者陰不足也非養營不可上虛而痛者心
脾傷也非補中不可下虛而痛者肝腎敗也非溫補
命門不可亦泥痛無補法則殺人矣

頭痛

頭風 頭重

雷頭風 頭暈

眉棱骨痛 頭項強痛

真頭痛 人白蟻

經云風氣循風府而上則爲腦風新沐中風則爲首風首風之狀頭而多汗惡風當先風一日則病其頭痛不可以出內至其風日則病少愈○頭痛數歲不已當有所犯大寒內至骨髓髓者以腦爲主腦逆故令頭痛齒亦痛名曰厥逆○頭痛顛疾下虛上實過在足少陰巨陽甚則入腎○心煩頭痛病在膈中過在手巨陽少陰○頭痛耳鳴九竅不利腸胃之所生也○真頭痛頭痛甚則腦盡痛手足寒至節死不治

難經曰。手三陽之脈受風寒。伏留而不去。則名厥頭痛。入連在腦者。名真頭痛。

按頭者。天之象。陽之分也。六府清陽之氣。五藏精華之血。皆朝會於高巔。天氣所發。六淫之邪。人氣所變。五賊之運。皆能犯上而爲災害。或蔽覆其清明。或墜遏其經隧。與正氣相薄鬱而成熱。則脈滿而痛。若邪氣稽留。亦脈滿而痛。是皆爲實也。若寒淫所侵。雖正氣衰微。不與相薄而成熱。然邪襲於外。則血凝而脈縮。收引小絡而痛。得溫則痛減。是爲虛也。因風而痛。

者抽掣惡風或汗自出因暑而痛者或有汗或無汗
皆惡熱而耳前與額脹痛因溼而痛者頭必重遇陰
天尤甚因痰飲而痛者亦昏重而痛憤憤欲吐因寒
而痛者絀急惡寒因氣虛而痛者遇勞則甚其脈大
因血虛而痛者痛連魚尾善驚惕其脈芤或沉數頭
痛自有多因而古方每用風藥者蓋高巔之上惟風
可到味之薄者陰中之陽自地升天者也在風寒溼
者固爲正用卽虛與熱者亦假引經耳
薛立齋云按頭痛除風寒外多主於痰痛甚者乃風

毒上攻有血虛者有氣虛者有諸經氣滯者有六氣
外傷有勞役內傷有可吐者有可下者當分虛實寒
熱兼變而治之痰多加味導痰湯風毒消風散血虛
芎歸湯加葱豉全蠍氣虛六君子加葱豉氣滯蘇子
降氣湯痰多宜吐者稀涎散或梔子豉湯加葱白火
鬱宜下者涼膈散加清酒痰火俱盛者滾痰丸○頭
痛諸藥不効其痛更甚者此督脈爲病也宜茸珠丹
○上熱頭痛目赤下寒足斂爲甚大便微秘旣濟解
毒湯○大寒犯腦內至骨髓則頭痛齒亦痛羌活附

子湯。頭痛乾嘔吐涎沫。吳茱萸湯。風氣循風府而上。則爲腦風。項背惡寒。腦戶極冷。當歸四逆湯。因發散太過。頭痛轉刺。小建中加當歸。童便。風火相煽。額與眉稜俱痛。選奇湯加葱豉。徇蒙招尤目。眩耳聾。肝虛風動也。六君子加鈎藤羌防。芎歸甘菊。頭痛耳鳴。九竅不利。腸胃之所生。或勞役動作。則痛。此氣虛火動也。補中益氣加川芎蔓荊子。胃熱火炎。動作則痛。煩渴引飲而赤。便秘者。川芎茶調散加酒炒芩連。梔子石膏。勢盛脈實者。酒炒大黃末五。

錢濃茶調服。血虛痢連魚尾四物加人參細辛蔓
荊。有蠱瘡毒發頭痛。頤下左右如蚯蚓徐行入耳。
頂上起疙疹塊冷則痛甚者。山牛湯不應。作結毒治
之。頭與腹俱痛有五。臭毒頭痛則與腹俱痛一味
香附煎成放涼服。傷酒傷溼亦有頭腹俱痛但傷酒
食則兼嘔逆眩暈外臺茯苓飲加煨葛根傷溼則腹
隱隱痛頭重不能平羌活勝溼湯外用瓜蒂散搐鼻。
有不伏水上頭腹俱痛者。藿香正氣散有瘡毒入腹
頭與腹俱痛者黃連解毒湯加臘茶。有頭痛止則

腹痛腹痛止則頭痛此屬脾陰血虛胃中有火隨氣
輒上輒下而然芎歸芍藥黃連木香不應加童便香
附葱白

診。寸口脈中手短者曰頭痛。寸口緊急或短或弦
或浮皆頭痛。浮滑爲風痰易治。短澹爲虛難治。浮弦
爲風。浮洪爲火。沉細或緩爲濕。寸弦曰頭痛。寸口脈
浮中風發熱頭痛。

頭風。薛立齋云。偏正頭風久而不愈。乃扶痰涎風
火。遇經絡氣血壅滯甚。則目昏。鼻小二便秘。清宜。

破其血以開鬱解表逍遙散偏左加黃芩葱豉偏右
加石膏葱豉鬱甚合越鞠兼溼瓜蒂散搐鼻兼風火
而發選奇湯加石膏葱豉芽茶夜甚加酒白芍或川
芎茶調散加細辛石膏甘菊。凡怒則太陽作痛者
先用小柴胡加茯苓山梔後用六味丸常服以滋腎
降火永不再發。凡頭痛必吐清水不拘冬夏食鹽
卽止者此中氣虛寒大君子加當歸黃耆木香炮薑
。煩勞則頭痛此陽虛不能上升補中益氣加蔓荊
子。頭風宜熱藥者多則有挾熱而不勝熱劑者消

風散或川芎茶調散加酒黃芩輕者只用薑汁收入
陳茶葉內煎服汗出卽愈此屢驗者凡風熱頭痛並
宜用之與選奇湯不殊。頭風多汗當先風一日則
痛甚至其風日則病少愈者半夏蒼朮湯。溼熱頭
風遇風卽發選奇湯加川芎柴胡黃連名清空膏不
拘偏正竝用。偏正頭風作痛痛連魚尾常如牽引
之狀發則目不可開眩暈不能擡舉芎辛湯每服加
全蠍五箇覺上膈有熱川芎茶調散加片苓。有痰
淫頭痛其人嘔吐痰多發作無時停痰上攻所致導

痰湯加減。或合芎辛湯尤妙。寒痰厥逆頭痛。三因芎
辛湯一切偏正頭風。攻注屬虛寒者。大追風散。腎
氣厥逆頭痛。四肢逆冷。胸膈痞悶。多痰者。玉真丸。
有腎藏陽虛之人。素有頭風發動。則挾溼熱上攻頭
而腫脹。項後兩向筋緊作痛。甚則牽引腰脊。其脈虛
細而數。千金大三五七散。并用金匱頭風摩散。慎不
可用清熱敗毒等藥。有風痰頭痛發時。面煩青黃
暈眩。目不欲開。嬾言身體重兀兀欲吐。此欲成頭風
也。二陳湯加膽星天麻煨尼。痰厥頭痛兩寸脈滑。

而弦脈重頭旋惡心煩亂吐清水氣短促心神不安
語言顛倒目不敢開如在風露中頭疼如裂身重如
山胸滿嘔逆四肢厥冷半夏白朮天麻湯有肥白氣
虛多痰人卒然頭痛脈沉細四肢厥逆痰嚕吐涎星
香湯加生附子。熱厥頭痛數年不愈雖當嚴冬猶
喜風寒其痛便止畧近溫煖稍見烟火其痛便甚或
爲灸火或爲熱藥所致宜選奇湯加川芎柴胡黃連
生地當歸黃芩知母荊芥芽茶。風熱伏於血分加
以寒邪外鬱卽痛劇熱甚實鑑石膏散。溼熱頭痛

脈數而濡或兩寸脈沉伏而數身重肢節痛或四肢
面目浮腫此證多見於酒客宜散溼解熱二陳二朮
酒芩羌防之類不已用透頂散搐鼻取涎隨左右搐
之涎出卽安。丹方治頭風用蛇蛻炙脆爲末每服
一錢葱豉煎數沸和滓熱服不拘偏正皆効後發漸
輕再發再服或加蜈蚣末三分或加全蠍末三分皆
取截風之力也每發輕者一服重不過二服也
偏頭風者其人平素先有溼痰加以邪風襲之久而
鬱熱爲火總屬少陽厥陰二經有左痛忽移於右右

痛忽移於左者。風火擊動其痰溼之氣。所以互換也。痛久不已。令人喪目。目者肝之竅。肝風內動。則害空竅也。蓋木邪亢盛。則生風。生火。鼓動胸中之痰積。皆隨火上逆爲患耳。先以川芎茶調散吐之。吐訖可服川芎薄荷等辛涼清上搜風之劑。偏頭風亦先風一日卽發。溼痰與火伏頭中。雖夏月常欲包裹。越脾湯加減。溼加泔製蒼朮。黑豆製川烏。火加薑汁炒山梔。左加酒黃芩。右加薑汁炙石膏。溼熱甚連目腫者。加酒大黃。有邪風加細辛。川芎防風之類。婦人頭

風兼白帶甚者。用白蜀葵花七朶。去蒂。川芎當歸各一錢。斯艾八分。水酒各半煎成。乘熱先薰。後服。頭風兼嘔涎者。白槿樹花陰乾焙脆爲末。每服三錢。熱酒調服。或用荷葉蒂七枚。生薑七片。陳芽茶一撮。水酒各半煎服。覆汗瘧頭風。腦中空痛。用當歸川芎各三錢。黃牛腦子一個。和勻分三次。熱酒送下。盡醉卧醒卽愈。頭風諸藥不効。用大附子一隻切片。同萊豆一升煮熟。去附子。但服萊豆及汁卽愈。偏頭風左屬風者。則浮腫。荊芥薄荷。左屬血者。則疼痛。熱川芎。

常服右屬痰者必體肥蒼朮半夏左屬熱者必形瘦
黃芩石膏產後須倍川芎歸遇寒即痛者屬寒伏於
脂用金匱頭風摩散一法用川烏末醋調塗痛處。
又法車螯細辛爲末猪膽汁調搗鼻中。草麻子五
錢去皮大棗十五個擘共搗爛塗紙上用筋捲之去
箸納鼻中良久取下清涕即止。或牙皂末吹鼻中
取嚏。又法以紅娘子七枚茴香七瓣研爲細末同
葱白頭七個連鬚研爛塗痛處痛止永不再發不拘
偏正皆効。又外用諸方如搗鼻瓜蒂散透頂散草

蘇貼法一字散。一滴金火筒散等皆應用之藥。然不若用蒸法最効。方用川芎半兩。晚蠶沙二兩。僵蠶如患者年歲之數。以水五碗。煎至三碗。就沙鍋中以厚紙糊滿。中間錢大一孔。取藥氣薰蒸痛處。每日一次。雖年久者。不過三五次。永不再發。平時置新鮮木瓜於枕邊。取香氣透達。引散肝風。亦良法也。

雷頭風。頭痛而起核塊者。雷頭風也。或頭中如雷之鳴。爲風客所致。清震湯腫塊宜刺出血。亦有因痰熱生風者。半夏用牙皂薑汁製取淨。一兩大黃酒浸。

透紙包煨再浸再煨熟極爲度淨二兩白礬蠶連帛
橘紅桔梗天麻各五錢片苓七錢薄荷三錢硝煨青
礞石白芷炙甘草各一錢蒸餅丸菜豆大臨卧茶吞
二錢

眉稜骨痛。此證多屬陽明風熱有虛實二途虛而
痛者見光明卽發選奇湯加歸芍實則眼不可開晝
靜夜劇選奇湯加葱豉風盛加葛根火盛加石膏按
戴復菴云二證皆屬於肝火虛則地黃丸實則導痰
湯大抵此證清火散風不應卽當滋陰若泛用風藥

則火熱上升其痛愈甚矣。痛久成頭風發則骨
痛者選奇湯加川芎白芷荆芥柴胡。

真頭痛。天門真痛上引泥丸旦發夕死夕發旦死。
腦爲髓海真氣所聚卒不受邪受邪則不可治。古法
用黑錫丹灸百會穴猛進參附可救十中之一。然天
柱折手足寒至節必死不治。

頭重。溼熱上攻所以頭重。秋冬春俱宜羌活勝溼
湯夏暑蒼朮白虎湯并瓜蒂搐鼻。若時行疫癘之時
患頭重者敗毒散加蒼朮藁朮內傷元氣頭重氣乏。

補中益氣加蒼朮蔓荊子

頭搖。頭搖有二證。風火相煽卒然頭搖項背強痛。少陽經證也。小柴胡去參加防風。裏實腹痛不大便而頭搖者。陽明府證也。涼膈散。大柴胡選用。若老人及病後辛苦人。因氣血虛火犯上而鼓動者。十全大補湯。大建中湯。並加羌活。

頭項強痛。邪客於三陽則痛。寒搏則筋急。葛根湯。風搏則筋弛。桂枝湯加葛根。然多有挾痰難以回顧者。乃痰客太陽。二陳加酒芩羌活紅花。

天白蟻。頭內如蟲蛀響者名天白蟻。多屬於火。亦有因痰淫在上者。丹溪云。瘕人皆屬於火。宜薄荷梔子。茯苓甘草。細辛川芎黃芩石膏芽茶之類。肥人皆屬溼痰。半夏茯苓枳實黃連天麻膽星蒼朮黃檗芽茶之類。戴復菴云。頭中鳴響有虛有實。實者用涼膈散。礞石丸下奪之。虛者非獨參保元六味八味茸味丹鹿茸丸等藥調補不應也。丹方用茶子爲細末吹鼻中。蓋響屬火。茶子輕清行清道散遏伏之火故也。凡頭風藥中必用茶引。卽此可悟。

程文彬治一婦患頭風雖盛暑必以帕蒙首稍見風寒痛不可忍百藥不効蓋因腦受風寒氣血兩虛氣不能升故藥不効令病人口含冷水仰臥以薑汁灌入鼻中痛立止與補中益氣加細辛川芎蔓荊白芍數服而愈用薑汁滴鼻中開久鬱之風寒也若寒溼鬱痛用獨頭蒜汁滴之火鬱頭痛以白萊菔汁滴之左患滴右鼻右患滴左鼻良李士材治顧淡之勞神之後躁熱甚頭角掣痛時作時止醫禁其食而解表四日議攻裏診之脈不

浮緊安得表邪。又不沉實安得裏邪。祇手太陰大
而無力爲神勞太過。乃虛煩類傷寒也。先飲糜粥。
用大劑歸脾湯而愈。

面痛

面爲陽明部分。而陽維起於諸陽之會。皆在於面。故面痛皆因於火。而有虛實之殊。暴痛多實。久痛多虛。高者抑之。鬱者開之。血熱者涼之。氣虛者補之。不可專以苦寒降火爲事。許學士治鼻頰間痛。或麻痺不仁。如是數年。忽一日連口脣頰車髮際皆痛。不能開口。言語飲食皆妨。在頰與頰上常如刺。手觸之則痛。此足陽明經絡受風毒。傳入經絡。血凝滯而不行。故有此證。或以續命與之不効。以犀角升麻湯與之數

日愈夫足陽明胃也。胃中腥羶五味無所不納。其腐熟水穀之毒。皆聚於胃。故方以犀角爲主。升麻佐之。專解飲食之毒。餘皆滌除風熱之藥也。○有老人過勞。饑則面痛。補中益氣加苓。梔連翹。鼠粘黑參。○因鬱結積成胃熱。遂患面痛。越鞠丸加山梔連翹貝母。橘紅之類。

心痛胃脘痛

心痛 心痛

靈樞云邪在心則心痛喜悲時眩仆

此言脘絡之心邪在府不在經也

○手少陰之脈動則病嗌乾心痛渴而欲飲

此言別絡受邪

在絡不在經也

○厥心痛與背相控善瘕如從後觸其心偃

僂者腎心痛也○腹脹胸滿心痛尤甚胃心痛也○

如以錐鍼刺其心心痛甚者脾心痛也○色蒼蒼如

死狀終日不得太息肝心痛也○卧若徒居心痛間

動作痛益甚色不變肺心痛也○真心痛手足青至

節心痛甚旦發夕死夕發旦死

五藏之滯皆爲心痛。腎心痛者多由陰火上衝之。
故胃心痛者多由停滯。脾心痛者多由寒逆。中焦
肝心痛者多由木火之鬱。病在血分。肺心痛者多
由上焦不清。病在氣分。若知其氣則順之。在血
則行之。鬱則開之。滯則通之。火多實則或散或清
之。寒多虛則或溫或補之。必眞心痛者乃不可治。
否則但得其本則必隨手而應也。

金匱云九痛丸治九種心痛。○兼治卒中惡腹脹痛。
口不能言。又治連年積冷流注心胸痛并冷衝上氣。

落馬逐車血疾等皆主之忌口如常法

仲景於胸痺後附此方治九種心痛以其久著之邪不同暴病故藥則加峻而湯改爲丸取緩攻不取急瀉也九種心痛乃久客之劇證卽腎水乘心脚氣攻心等別名也痛久血瘀陰邪團結故用參附溫氣散邪藥中加生狼芽巴豆吳茱萸蠲之使從陰竅而出以其邪據胃中結成堅壘非直搗其巢終不去也後人心痛分爲九種曰飲曰食曰氣曰血曰冷曰熱曰悸曰蟲曰產雖祖此義而實未

詳內經金匱之旨也

論曰。諸心痛者。皆手少陰厥氣上衝也。有熱厥心痛者。身熱足寒。痛甚則煩躁而吐。額上自汗。其脈洪大。知爲熱也。先宜越脾湯汗之。次用金鈴子散清之。有火實心痛者。因受時氣。卒然發痛。大便或秘。久而注悶。心腹高起。按之愈痛。不能飲食。急以涼膈散利之。不應爲食積痰飲留結也。煮黃丸水。煮金花丸。逆用。有寒厥心痛者。手足逆而通身冷。汗出。或大便利而不渴。氣力微弱。其脈沉細。急以朮附湯溫之。寒厥暴

病非久病也。朝發夕死。當急救之。久痛非寒。暴痛非熱。不可不察。○凡言心痛。都屬胃脘。丹溪云。外受寒者。當溫散。內受寒者。當溫利。病久屬鬱。鬱則熱。用山梔爲熱藥之嚮導。必佐以生薑汁。多用白芍開之。或二陳加川芎蒼朮。倍加薑汁炒山梔。如痛甚者。加炮薑爲從治之法也。○外吸涼風。內傷冷物。寒客於胃。則卒然而痛。二陳加草豆蔻乾薑吳茱萸。日久發熱。加薑汁炒川連山梔。○心腹絞痛如刺。兩脇脹滿。千金高良薑湯。○脈實堅。按之心下滿痛者。爲實大柴

胡湯○脈弦數者是木剋土也。治之以小建中湯。取芍藥味酸於土中瀉木。如脈沉細是木來侮土。治以理中湯。取乾薑味辛於土中瀉水。○大寒客於心胸作痛。則嘔逆不能食。腹中寒氣上衝。痛不可按者。金匱三物大建中湯。上散。瀉飲寒氣下安太陰。○寒氣作痛。綿綿不絕。無增無減。朮附湯。加草豆蔻厚朴。○風冷邪氣入乘心絡。或府藏暴感寒氣。上乘於心。卒然心痛。或引背脊。經久不差。崔氏烏頭丸。○凡心痛脈沉而遲者。易治。堅大而實。浮大而長。滑數者。難治。

○因冷積痰氣而痛者。理中湯去人參。加苓半。丁香。木香。白豆蔻。或四七湯加木香。肉桂。痛而氣上急者。蘇子降氣湯去前胡。加木香。痰涎壅盛而痛。小半夏。茯苓湯加枳實。間進半硫丸。○鬱痰作痛。或因恚怒。勞力酒食而發。發則自下逆衝而上。後必作寒熱。以鬱必從少陽而發出於外。其脈必數。其熱與痛忽重忽輕。其證多渴而大便秘。治宜清中。蠲痛湯。○痰積作痛。脈滑而實。惡心煩滿。時吐酸水。此因氣滯。礙其道路。不得運行而作痛。清中湯加香附。蒼朮。南星。滑

石木香海石之類。如痰甚者。導痰湯加白螺螄殼。煨
過一錢。○停飲惡心煩悶。時吐黃水。腹中漣漣有聲。
而痛。胃苓湯。○胸痛短氣者。水氣在臧府也。輕者五
苓散。重者用子和法取之。有痰二陳湯加薑汁。○氣
鬱脈沉伏。或結或弦。胸中氣壅。攻刺脹痛。沉香降氣
散。○中氣虛。按之則痛定。二陳加炮薑。不應理中湯。
病久服耗氣藥太過。脈大或數無力。亦爲中氣虛。六
君子加炮薑。○心膈大痛。發厥嘔逆。諸藥不納者。趁
勢以鷲翎探吐痰盡而痛愈。○凡按之痛減者爲虛。

宜酸收不宜辛散。○心痛屬火不時舉發者山梗蘆
汁炒黑少加炮薑甘草一服立止。○平日好飲熱酒
致死血留於胃口作痛脈必濇或花飲下作呃口中
作血腥氣手拈散加桔梗開提其氣胃氣虛人不能
行其藥力者加人參二三錢用相反之味激其性以
搜血也壯盛者代抵當丸加乾漆灰虛弱人四物湯
加桃仁穿山甲桂心蓬朮赤降香煎服。○卒中惡心
痛用苦參一兩酢煮頓服老弱者分二三服。○若脈
微欲絕手足逆冷肉桂一兩水煮分三服効。○蟲痛

鶴蝚一味爲末。蜜丸。蜜湯下。四五十丸。慎酒肉。取有
形滓。以入蟲口也。○胃脘痛。吐蟲。曾服打積藥。不愈。
是中氣傷。常調中氣爲主。○蟲痛。而有白斑。唇紅能
食。或口中沫出。當以祛蟲法治之。○因蛭作痛。痛有
休止。令人吐蛭。蛭動故也。用川椒烏梅黃連檳榔煎
服。○膈上隱隱作痛。坐不得卧。而吐臭穢痰涎。當作
肺癰治之。○膈間腫痛。不能進食。但喜飲水。或咽腫
人迎盛而氣口緊者。當作胃癰治之。
心痛。○腎氣逆上攻痛。必從臍下上升。小便難。此各

心疝生韭汁和五苓散以茴香煎湯下。或有疝氣衝心而痛者當於疝門求治。亦有脚氣攻心而痛者則於脚氣門求治可也。

心痞。因胃口熱食易消故痞。素問謂之食痞。爲瘕火鼓動所致。亦類中消。小半夏茯苓湯加枳實。胃中火蘊而痞。二陳加川連。或五苓散加辰砂。亦有病痞呬蘆湯數口。或進乾薑溫劑而愈。此膈上停寒中有伏飲。見辛熱則消也。

診○心脈微急爲痛短而數心痛。滿則心痛。脈浮大

深長者死。沉細者生。胃脈微滑爲痰飲。滑實爲宿食。
沉緊爲冷積。沉濡爲氣滯。數爲火。浮爲風。弦爲血。忽
大忽小者爲蟲也。

東垣治一妊婦。冬至因慟哭。口吸風寒。忽病心痛。
不可忍。渾身冷氣欲絕。曰。此乃客寒犯胃。故胃脘
當心而痛。急與草豆蔻。半夏生薑炙甘草益智仁
之類。或曰。半夏有毒。重妊服之可乎。曰。乃有故而
用也。岐伯曰。有故無損也。服之遂愈。

滑伯仁治一婦。盛暑洞泄。厥逆惡寒。胃脘當心而

痛引腹引脇轉爲滯下嘔噦不食醫以中暑霍亂
治之益劇脈三部俱微短沉弱不應呼吸曰此陰
寒極矣不亟溫之則無生理內經雖曰用熱遠熱
又曰有假其氣則無禁也於是以薑附溫劑三四
進間與來復丹脈稍有力厥逆漸退更與薑附七
日諸證悉去遂以丸藥除其滯下而安

江應宿治一人心脾痛積十年矣時發則連日呻
吟減食遍試諸方罔効診之六脈弦數曰此火鬱
耳投薑汁炒川連山梔瀉火爲君川芎香附橘皮

枳殼開鬱理氣爲臣反佐炮薑從治爲使一服而愈再與平胃散加薑汁炒川連山梔神麴糊丸以刈其根不復舉矣。

李士材治張侗初善怒善鬱且酬應繁劇胸中痛甚夜不成寐醫用菖蒲枳朴木香荳蔻殊不知此證屬虛虛則濁陰不降神氣失守故痛且寤也遂以歸脾湯倍用人參當歸不十劑而胸次快然安寢。

又治宋岐夫心腹大痛僵僕不能卽日服行氣和

血藥罔効其脈左滑而急其氣不能以息偶一欬
攢眉欲絕爲心痛無疑以生薑飲粥取小懷香川
楝子青木香廣木香吳茱萸木通延胡索歸身青
皮一服而痛減五日而安

胸痺

金匱云師曰夫脈當取太過不及陽微陰弦卽胸痺而痛所以然者責其極虛也今陽虛知在上焦所以胸痺心痛者以其陰弦也

陽微在胸中氣分上看故曰陽微知在上焦陰弦在陰脈上看如陰寒之脈上千胸中氣分則爲胸痺如陰脈上乘於心則爲心痛也
平人無寒熱短氣不足以息者實也

上條是言不及此則言太過也平人蓋言無內因

虛勞外因感冒而患短氣不足以息者。當是胸中邪氣窒塞。腎中陽氣不得上通於胸中。故爲實也。胸痺之病。喘息欬唾。胸背痛。短氣。寸口脈沉而遲。關上小緊數。栝蒌薤白白酒湯主之。

寸口脈沉遲者。陽氣衰微也。關上小緊者。胃以上有陰寒結聚。所以胸中喘息欬唾。胸背痛而短氣。栝蒌性潤。專以滌垢膩之痰。薤白臭穢。用以通穢濁之氣。同氣相求也。白酒熟穀之液。色白上通於胸中。使佐藥力上行極而下耳。

胸痺不得卧心痛徹背者栝蒌薤白半夏湯主之
心痛徹背者胸中痰垢積滿循脈而溢於背背者
胸之府故於前藥但加半夏以祛痰積之痺逆也
胸痺心中痞痛氣結在胸胸滿脇下逆搶心枳實薤
白桂枝湯主之人參湯亦主之

痰氣結聚於胸中胸滿溢於經脈故從脇下逆上
以搶心也二湯一以治胸中實痰外溢用薤白桂
枝以解散之一以治胸中虛痰內結卽用人參理
中以清理之一病二治因人素稟而施兩不移易

之法也。

胸痺胸中氣塞短氣茯苓杏仁甘草湯主之橘皮枳實生薑湯亦主之。

夫短氣不足以息者實也故二方皆利氣之劑一以疏利肺氣一以疎利胃氣也。

胸中緩急者蔥豉附子散主之。

胸中爲陽氣所居之位今胸中之陽痺而不舒其經脈所過非緩卽急失其常度總由陽氣不運故也用蔥豉舒其經脈附子復其胸中之陽則人氣

一轉陰濁不留胸際曠然若太空矣

心中痞諸逆心懸痛桂枝生薑枳實湯主之

心中痞者心氣逆於上也上氣逆則中下亦逆氣逆則經脈亦逆故爲諸逆也上下氣逆脈不交通心主孤懸於上不得營氣以和之故必懸痛也桂枝行心氣以散痞葶藶疏中焦以通經也

心痛徹背背痛徹心烏頭赤石脂丸主之

心痛徹背背痛徹心乃陰邪厥逆而上干胸背經脈之間牽連痛楚亂其血氣紊其疆界此而用氣

分之藥則轉益其痛勢必危殆仲景用蜀椒烏頭
一派辛辣以溫散其陰邪然恐胸背既亂之氣難
安卽於溫藥隊中取用乾薑赤脂之溫以填塞厥
氣攻衝之經隧仰胸之氣自行於胸背之氣自行
於背各不相犯其患乃除今人但知有溫氣補氣
行氣散氣諸法不知有填塞邪氣攻衝之寶也
千金治胸痺達背痛用細辛散胸中逆氣心痛徹背
少氣不食用前胡湯胸中怫怫如滿噎塞習習如癢
喉中清燥唾沫服橘皮枳實生薑湯不應用治中湯

胸痺腹背閉滿上氣喘息用下氣湯胸背疼痛用熨背散足補金匱之未逮

病人胸中似喘不喘似嘔不嘔似噦不噦徹心中憤憤然無奈者生薑半夏湯主之千金加橘皮吳茱萸名通氣散治胸滿短氣而噦

此卽胸痺一門之證必編者之差誤入於嘔吐噦中今併論於此蓋陽受氣於胸中以布氣息今陰乘陽位阻其陽氣布息呼吸往來之道若喘若嘔若噦心舍神者也聚飲停痰則炎熾不寧徹心憤

亂無可奈何故用半夏生薑之辛溫以燥飲散寒
則陽得以布氣得以調而胸際始曠也其用橘皮
吳茱萸及加竹茹人參皆此例也○喻嘉言曰按
胸痺之證人所通患金匱出十方論治然未明言
其故蓋胸中如太空其陽氣所過如離照當空曠
然無外設地氣一上則窒塞有加故知胸痺者陽
氣不用陰氣在上之候也然有微甚不同微者但
通其上焦不足之陽甚者必驅其下焦厥逆之氣
通胸中之陽以薤白白酒及枳實半夏桂枝枳實

厚朴乾薑白朮人參甘草茯苓杏仁橘皮擇用對
證三四味卽成一方不但苦寒不入卽清涼盡屏
蓋以陽通陽陰分之藥所以不得預也甚者則用
附子烏頭蜀椒大辛熱以驅下焦之陰而復上焦
之陽補天浴日在醫之手眼奈何後世總不知胸
痺爲何病耳

腹痛

小腹
常痛

腹中
牽攣

東垣云。腹中諸痛。皆由勞役過甚。飲食失節。中氣受傷。寒邪乘虛入客。陽氣不通所致。故卒然而痛。經云。得炅則痛立止。中脘痛。屬太陰。理中湯。臍腹痛。屬少陰。真武湯。小腹痛。屬厥陰。當歸四逆湯。加吳茱萸。若夫熱病腹痛。熱則芍藥甘草湯。黃芩湯。寒則理中湯。若脾胃素虛人。飲食不能消剋者。六君子加香砂。若兼外感宿食者。藿香正氣散。若但少腹硬滿而痛。小便利者。卽是蓄血之證。桃核承氣湯。小便利者。卽

是溺瀉之證。五苓散有心腹大痛欲吐不得吐欲瀉不得瀉。是名霍亂。急以鹽湯灌之。其或清痰留滯於胸膈之間。食積鬱結於腸胃之內。皆能令人腹痛痰則控涎丹。食積積實導滯丸。

凡治腹痛必用溫散。如台芎蒼朮香附之類。白芍能治血虛腹痛。惟脈弦發熱者爲宜。其性酸寒收斂。無溫散之功。若氣虛者服之反傷脾胃也。綿綿而痛無增減欲得熱手按及喜熱飲食脈沉遲者寒也。理中湯加肉桂香砂。○腹痛用溫藥不効痛愈甚人便

秘者微利之平胃散加藿香半夏紫蘇木香大黃虛
人人參養胃湯○時痛時止熱手按而不減脈洪數
者熱也二陳湯加厚朴枳實苓連山梔○腹中水鳴
乃火擊動其水也二陳加苓連木香枳實木通虛人
六君子加香砂豬苓澤瀉○感暑而痛或瀉利并作
脈必虛豁十味香薷飲○感濕而痛小便不利大便
溇泄胃苓湯○如腹中常有熱而痛此爲積熱調胃
承氣湯下之○因客寒作痛者脈必弦緩小建中加
炮薑兼氣鬱脈沉者更加台芎蒼朮香附○因熱作

痛脈必數疾。二陳湯加苓連芍藥。痛甚稍加炮薑。從治之。若時痛時止。口乾惡心頭眩。或瀉黃沫者。火也。前藥勿用。炮薑加大黃微利之。○脈沉結或伏。必腹痛。痛引兩脇及肩背。皆不得俯仰者。氣滯也。二陳加川芎木香枳殼香附。不應有血也。加蓬朮穿山甲。○七情內結。心腹絞痛。不能飲食。時作時發。發即欲死。七氣湯選用。○酒積作痛。麴蘖丸。○食積作痛。保和丸。○蟲痛者。懊懣作痛。上下不定。痛有休止。或有塊。腹起痛則嘔吐清水。當從蟲積治之。○因疝致痛者。

必引聖丸或小腹有一條梗起宜從疝治○因觸穢
致痛得熱湯飲轉劇者是臭毒攻逆也另詳本門
小腹痛○小腹痛滿有三皆爲內有留著非虛氣也
小腹正中爲少陰任衝之分野兩傍爲厥陰肝經之
分野一屬燥結大腸其證五六日大便不通按之堅
滿連臍攻痛小便雖利而黃赤其脈數實有力爲府
邪實結而痛滿大承氣下之若因津血枯澀而結者
其脈雖數而不甚旺麻仁丸通幽湯之類無故而大
便不通少腹微滿尺脈雖數而必微弱者蜜煎導之

夏月可用豬膽導。慎不可用攻裏之藥。攻之胃氣受傷。必生他患也。一屬熱結膀胱。其證溺閉不通。按之雖滿而不甚堅。彈之有聲。激指其脈數盛有力而煩渴引飲者。實甚。五苓散。夜劇。豬苓湯。一屬血結膀胱。而腹滿。其證善忘如狂。或渴欲漱水而不能飲。或喜熱飲。仍不能多。小便清利。或反倍於平時。或數欠而不清。大抵邪結膀胱。陽分熱邪傷血。雖有畜血。其人真陰不虛。則小便自清。尺脈必盛。代抵常九。若反倍於常時者。爲邪據下焦。真陽外亡之候。木方去硝。減

黃倍桂加熟附片六七分救之。若緣醉飽入房，強力忍精，而致少陰與任督受傷，血結陰分者，此真陰虧損，必致小便澇數，脹滿如淋也。生料濟生腎氣丸、紅酒煎服。有婦人經行之時，交合受傷，時時不淨而少腹滿痛者，此衝脈受傷也。十全大補湯，倍用肉桂。若有塊絞痛，喜熱按，此氣血虛而有瘀積也。當歸生薑羊肉湯，加肉桂、吳茱萸、茯苓、芍藥，不應加人參。又有本來下元虛人，勉力勞役而致受傷，畜血小腹滿痛者，此肝經受傷，其滿必偏見於左傍也。調肝散代抵當。

九審微甚選用可也。然亦有右傍偏滿者。此必飽食
奔馳脾陰下溜。食積痰膩留結也。當於積滯門求之。
其臭毒腹痛嘔逆。另詳雜門。

診○陰弦腹痛。細小緊急。皆爲腹痛。要滑爲痰飲。弦
爲冷食。陰弦或緊急。溫沉弦滑實可下。沉伏者爲氣
滯。細小緊急。腹中刺痛。尺脈緊。臍下痛。弦急。小腹痛。
尺脈伏。癥瘕痛。細小而遲者。易治。堅大疾者。數而緊
者。浮大而長者。爲病不應脈。皆難治。痛甚而喘。臍下
急。大痛人中黑者。死。

腹中窄狹。○肥人乃是溼痰留滯。氣不升降。當行氣燥溼。越麴平胃爲主。瘦人乃是陰虛火旺。薰蒸藏府。逍遙佐金降火。開鬱爲主。肥人腹中輓輓有聲。須作痰治。二陳二朮爲主。氣虛者加人參。
當臍痛。○當臍痛爲腎虛。任脈爲病。六味丸加龜板灰。○傷寒陽脈滿。陰脈弦。法當腹中急痛。此爲本虛受寒。小建中湯和之。

虞恆德治一壯年。寒月入水網魚。饑甚。遇涼粥。食入腹大痛。二晝夜不止。醫以大黃丸不通。又以承

氣下糞水而痛愈甚。診其六脈沉伏而實。面色青黑。此大寒證。而下焦又有燥屎作痛。先與治中湯。加丁附一貼。又灸氣海二十一壯。痛減半。繼以巴豆沉香木香作丸。如菉豆大。生薑湯下。五七丸下。五七次而愈。

又治一人。六月投淵取魚。至深秋雨涼。半夜小腹痛甚。大汗脈沉弦細實。重取如循刀。黃黃然。夫腹痛脈沉弦細實。如循刀。黃黃然。陰邪固結之象。便不當有汗。今大汗出。此必瘀血留結。營氣不能內。

守而滲泄於外也。且弦脈亦肝血受傷之候。與人承氣加桂二服。微利痛減。連日於未申時復堅硬不可近。與前藥加桃仁泥下。紫血升餘。痛止脈雖稍減。而責責然猶在。又以前藥加川附子下大便。四五行。有紫黑血如破絮者二升而愈。

汪石山治一老婦病腹痛。初從右手指冷起。漸上至頭。如冷水澆灌。而腹大痛。痛則遍身大熱。熱退則痛止。或過食或不食。皆痛。每年發一二次。近來二三日一發。遠不過三五日。用四物四君二陳七

氣皆不應。汗診之。脈皆微弱。似有似無。或二三至一止。或四五至一止。乃陽氣大虛也。用獨參五錢。入陳皮七分煎服。十數貼而愈。夫四肢者。諸陽之本。頭者。諸陽之會。經曰。陽虛則惡寒。今指稍冷逆上至頭。則陽虛陰盛可知。陽虛不能健運而痛大作。痛作而復熱者。物極則反也。及其陰陽氣衰。兩不相爭。則熱歇而痛亦息矣。故以獨參湯補之。數年之病遂愈。

脇痛

季脇痛

腋腫痛

經云肝病者兩脇下痛引小腹令人善怒。肝病內舍胸脇。邪在肝則兩脇下痛。肝熱病者脇滿痛。膽動病心脇痛不可反側。肝所生病腋腫脇痛。肺病傳肝脇痛出食。

肝舍於肱脇故脇痛多屬於肝。然經筋所過挾邪而痛者自有多端不可執一。且左右者陰陽之道路故肝主陰血而屬於左脇脾主陽氣而隸於右脇左脇多怒傷或留血作痛右脇多痰積或氣鬱作痛其間

七情六鬱之犯飲食勞動之傷皆足以致痰凝氣聚血畜成積雖然痰氣亦有流於左脇者然必與血相持而痛血積亦有傷於右脇者然必因脾氣衰而致其間虛實治法可默悟矣

傷寒少陽脇痛用小柴胡湯硬滿加薄桂不大便加枳殼兼胸脇滿痛加枳桔若不因傷寒而脇痛身體微熱枳殼煮散蓋枳殼爲治脇痛專藥諸方皆用之。寒氣引脇下痛枳實理中湯或復菴云腹內諸般冷痛俱實理中湯加減作無限用。脇痛而氣喘分

氣紫蘇飲增損流氣飲選用有脇痛而吐血者此熱傷肝也。小柴胡去半夏黃芩加丹皮鱉甲。兩脇腫痛或腹痛。或小便澀滯者屬溼熱。龍膽瀉肝湯。脈弦痛在左屬肝火。宜柴胡山梔當歸青皮芍藥。不已加吳茱萸炒用連。甚則加酒炒龍膽草。如果肝氣實當歸龍薈丸。因怒傷肝。肝氣鬱甚。柴胡疎肝散。氣滯作痛。兩手脈沉伏。或弦痛引胸脇。不得俛仰。屈伸。二陳加枳殼香附木香。左脇痛者木氣實也。抑青丸。火盛者佐金丸。從治之。有畜血偏著左脇而痛。

者復元活血湯。右脇痛乃悲傷肺氣所致。推氣
加桔梗。或只用川芎枳殼二味作湯服之。脇下
痛發熱其脈緊弦此寒也。以溫藥下之。宜金匱大黃
附子湯。兩脇走痛脈沉弦而滑乃溼痰流注在脇
下。導痰湯加白芥子枳殼香附末香甚則控涎丹導
而下之。食積寒痰流於脇下。痛若錐刺手不可近。
諸藥不効者神保丸。食積脇痛發寒熱痛引心下。
惡心惡食必有一條扛起右脈必滑。陳加香砂枳
朮麴朴查芽甚則加吳茱萸製用連。結積痰癖冷。

痛煮黃丸。氣弱人脇下痛脈弦細或紫多從勞役
怒氣得之六君子加木香芎歸桂心。肥白人氣虛
發熱而脇痛用參耆柴胡黃芩枳殼木香之類甚則
加桂。瘦弱人陰虛寒熱脇下痛多怒必有瘀血宜
桃仁紅花柴胡青皮丹皮鱉甲之類甚則加大黃。
欬嗽引脇下痛爲水飲停蓄小青龍湯脇下硬滿引
痛乾嘔短氣汗出不惡寒有時頸痛心下痞者十棗
湯。乾欬引脇下痛發寒熱爲鬱結所致逍遙散若
脇下有塊痛乃過飽勞力所致逍遙散加木香丹皮

青皮。死血作痛。日輕夜重。或午後熱。脈短澀。桃核
承氣湯。易肉桂。加穿山甲。龜甲。青皮。不應。加熟附子。
一片。如跌蹶。脇痛。亦宜上方。凡內傷。脇痛不止者。
生香油一盞。生蜜一杯。和勻服。一二次。卽止。房勞
腎虛之人。胸脇脇肋多隱隱微痛。乃腎虛不能納氣。
氣虛不能生血之故。宜補骨脂。杜仲。牛膝。補腎。當歸。
熟地。和血。及七味丸。調理。

季脇痛。經云。冬脈不及。則令人心懸如病。饑眇中。
清脊中痛。少腹滿。小便變。又足少陽之筋。引脇外轉。

筋膝不可屈伸。胸筋急。前引髀後引尻。卽上乘。炒季脇痛。按季脇痛。無不因腎虛者。加減八味丸。腎氣丸選用。

腋下腫痛。○少陽溼熱留薄。則腋下腫痛。小柴胡加撫芎枳殼。實人去參。加草龍膽。體肥痰盛。加白芥子。有痰飲搏聚而痛者。加味導痰湯。加柴胡爲嚮導。診○脈。雙弦者。肝氣有餘。兩脇作痛。弦數有力爲肝盛。有餘弦數無力爲肝虛。有火弦小而細爲飲。脈沉爲氣浮。弦爲風。弦小而弱者爲陽虛。沉細爲陰虛。

劉默生治諸葛子立脇痛連腰脊不能轉側服六
味丸加杜仲續斷不効或者以爲不能轉側必因
閃挫與推氣散轉劇劉診之曰脈得弦細乏力虛
寒可知與生料八味加茴香四劑而安

腰痛

腰痠 腰疼 腰軟

經云腰者腎之府轉搖不能腎將憊矣○巨陽虛則

頭項腰背痛

此二條言

○膀胱之脈挾脊抵腰故挾

脊痛腰似折

此一條言

按內經言太陽腰痛者外感六氣也言腎經腰痛者

內傷房勞也假令腎藏真氣布護六氣焉能爲害惟

腎藏虛傷膀胱之府安能獨足又有膏粱之人久服

熱劑醉以人房損其真氣則腎藏熱腰脊痛久則髓

減骨枯發爲骨痿此爲本病其有風寒溼熱閃挫瘀

血滯氣痰積皆爲標病而腎虛則其本也。○風痛者脈浮或左或右痛無定處牽引兩足小續命加減。○寒痛者其腰如冰其脈必緊得熱則減得寒則增乾薑附子湯加肉桂杜仲外用摩腰膏兼風寒者五積散熱服微汗之。○內畜風熱痛者脈必洪數口渴便閉小柴胡去半夏加羌活續斷黑豆。若大便閉者先用大柴胡微利之。○溼痛者如坐水中腎屬木久坐水溼或著雨露以致腰下冷痛脈必最緩小便自利飲食如故天陰頭必重體必沉重痿痺湯腎虛山卧

溼地流入腰脚偏枯冷痺疼重千金獨活寄生湯兼
風溼者改定三痺湯如挾寒溼并用摩腰膏虛寒甚
而挾溼者朮附湯挾溼熱者羌活勝溼湯合二妙散
腎氣虛寒而受寒溼腰疼不得立用燒羊腎主之此
千金法也○閃挫痛者跌撲損傷肝脈搏堅而長兩
尺實忽然不可俯仰復元通氣散不効必有惡血復
元活血湯○氣滯而痛脈沉弦或結伏初起烏藥順
氣散不應八味順氣散○痰注而痛脈滑或沉伏動
作便有痰或一塊作痛導痰湯加香附烏藥枳殼脈

實加大黃。○肝氣不條，達睡至黎明覺，則腰痛頻欲轉側，曉起則止。宜柴胡疏肝散，或二妙散加柴胡，防風，卽東垣蒼朮湯。○腰痛如以帶束，引痛，此屬帶脈爲病，用辛味橫行而散，帶脈之結，甘味舒緩帶脈之急，調肝散。○腰痛牽引足膝，青蛾丸加款尾最妙，以補腎兼補肝也。○兩腰僂廢，乃熱邪深入血脈，久閉之故，桃核承氣多用肉桂，少加熱，附行經，但痛者可治，僂廢而不痛者不可治也。○諸般腰痛皆由腎虛，若兼六淫，須除其邪，如無他證，而腰肢痿弱，隱隱作

痛身體疲倦脚膝痠軟者總屬腎虛然須分寒熱主
治脈細而軟或虛浮力怯短氣小便清利屬陽虛火
衰腎氣丸加肉蓯蓉補骨脂巴戟鹿茸之類脈大而
軟或細數小便黃屬陰虛火炎六味丸加龜版當歸
杜仲續斷之類

腰痠○腰痛尚有寒溼傷損之異腰痠悉屬房勞腎
虛惟有峻補男子用青蛾丸或八味丸加補骨脂杜
仲有熱去附子加五味走精用六味丸去澤瀉加鱉
膠沙苑蒺藜五味子大便不實加肉果補骨脂山藥

粉糊代蜜。婦人用六味加杜仲續斷有帶去熟地加艾附經候不調加當歸阿膠。

腰軟。○溼氣襲於少陽經絡之中。則爲腎著。金匱用甘薑苓朮湯。後世更名爲腎著湯。或溼溼湯。選用。斷喪太過者。八味丸。腎虛風襲腰背軟痛。安腎丸。

腰膝痛。○寒溼流注於足少陽之經絡。則爲腰膝痛。蓋腰乃膽經之所過。因受寒溼結滯於骨節而痛。溼溼湯去橘紅加肉桂。有痰滯經絡導痰湯加減。若腎肝伏熱。用薑汁炒黃蘗酒防已少加肉桂。若腰膝連。

脚膝曉夜疼痛者腎虛風毒乘之也用虎骨散加補
骨脂老人腎虛腰痛連膝痛者一至九

診。脈大爲肝腎陰虛尺沉爲腎藏陽虛浮緩爲虛
風弦細爲寒溼或弦或濡爲瘀血或滑或伏爲痰飲
沉弦而緊爲寒沉弦而細爲溼沉弦而實爲閃胸若
腎憊及盛怒傷志則腰失強不能轉搖者死

石頑治沈雲步媳常有腰疼帶下之疾或時勞動
日晡便有微熱診其兩尺皆弦而右寸關虛濡少
力此手足太陰氣衰敷化之令不及也合用異功

散加當歸丹皮調補胃中營氣兼杜仲以壯關節
澤瀉以利州都則腰疼帶下受其益矣

江蘇總藩張公嚴冬腰腹疼重甲夜延石頑診候
脈得沉滑而駛遂取導痰兼五苓之製一劑而腹
痛止三啜而腰曉弛縱自如未嘗用腰腹疝之藥
也

脊痛脊強

尻痛

脊者督脈之經與膀胱之經皆取道於脊也故項脊常熱而痛者陰虛也六味丸加麋茸常寒而痛者陽虛也八味丸加鹿茸有腎氣攻背而項筋痛連脊髀不可轉移者此地氣從背而上入也椒附散。太陽經脊痛項強腰似折項似拔羌活勝濕湯脈浮緊爲傷寒麻黃湯沉緩爲風溼五苓散換蒼朮桂枝加羌活。打撲傷損從高墜下惡血在太陽經中腰脊痛不可忍地龍湯。

尻痛。尻乃足少陰與督脈所過之處兼屬厥陰若
腎虛者六味丸加肉桂不愈加鹿茸肥人屬溼痰二
陳合二妙有因死血作痛者當歸赤芍牡丹桃仁延
胡索生牛膝穿山甲肉桂之類清理之不應加地龍
生附子。

肩背痛

經云背者胸中之府。背曲肩隨。府將壞矣。○肺病者。喘欬逆氣。肩背痛。汗出。○肺盛有餘。則肩背痛。風寒汗出。中風小便數而欠。氣虛則肩背寒。少氣不足以息。溺色變。○邪在腎。則肩背痛。是腎氣上逆也。

東垣云。肩背痛不可回顧。此手太陽氣鬱不行也。以風藥散之。通氣。防風湯。若面白脫色短氣者。勿服。宜逍遙散。加人參。火鬱熱盛。東垣升陽散火湯。形氣虛甚。十全大補湯。○肩背痛。脊強。腰似折。項似拔。此足

太陽經氣不行也。羌活勝濕湯。風寒汗出中風肩
背痛。小便數而欠者。風熱乘其肺而肺氣鬱甚也。當
瀉風熱。消風散去。蠶蠶蟬蛻加枳桔。寒熱少氣不
足以息而肩痛。小便遺失者。補中益氣加門冬五味。
○溼熱相搏。肩背沉重而痛。當歸拈痛湯。○當肩背
一片冷痛。背脊疼痛。古方用神保丸愈者。此有寒積
也。有因寒飲伏結者。近効白朮附子湯。亦有因痰氣
留伏者。指迷茯苓丸。○素有痰飲。流注肩背作痛。導
痰湯。○有腎氣不循故道。氣逆挾脊而上。致肩背痛。

沉香肉桂茯苓牛膝茴香川椒青鹽或觀書對奕久
坐而致脊背痛者補中益氣加羌防○肥人喜槌而
痛快者屬痰宜除溼化痰兼補脾胃六君子加木香
○瘦人多血少氣虛宜養血清火聖愈湯○背痛
須加羌防引經肥人少佐附子瘦人須佐苓連丹皮
○有素虛人及病後房勞後婦人產後經行後心脇
間痛或牽引乳脇或走注肩背痛竝宜十全大補隨
證加減

診○寸口脈促上聲者肩背痛洪大爲熱浮大爲風

沉而滑者背脊痛必有寒飲伏結也

丹溪治一人忽患肩脾縫有一線疼起上循肩至胸前側脇而止晝夜不息其脈弦而數重按諸大左大於右夫脾小腸經也胸脇膽經也此因謀事不遂思慮煩心心不病而小腸之火乘膽所致以人參四錢木通二錢煎湯下龍薈九數服而愈李士材治俞元濟背心一點癢久而漸大服行氣和血藥不効其脈濡滑遇天陰痛輒甚其爲濕痰無疑以胃苓湯加半夏三錢數劑而痛消

臂痛手痺

寸氣

東垣云臂痛者有六道經絡各加引經藥乃驗以兩
手伸直垂下大指居前小指居後而定之臂肅之前
廉痛者屬陽明升麻白芷乾葛爲引經後廉屬太陽
藁朮羌活外廉屬少陽柴胡連翹內廉屬厥陰柴胡
當歸內前廉屬太陰升麻白芷葱白內後廉屬少陰
細辛當歸

臂痛爲風寒溼所搏或因飲液流入或因提挈重物
皆致臂痛有腫者有不腫者除飲證外其餘諸痛並

宜五積散。蠲痺湯。選用虛人必加人參以助藥力。
若坐臥爲風澤所搏。或睡後手出被外爲寒所襲而
痛者。五積散審知是溼痺經絡血凝氣滯作痛。蠲痺
湯。擊重傷筋以致臂痛。宜和氣調血十全大補湯。
痰飲流入四肢肩背痠疼。兩臂軟痺。導痰加木香。
片子薑黃。並製白朮。若作風治誤矣。中腕留伏痰。
飲臂痛難舉。手足不能轉移。指迷茯苓丸。丹溪治
臂痛以二陳湯加酒炒黃芩。蒼朮羌活。
手痛。經云手屈不伸者。其病在筋。薏苡仁湯伸而

不屈者其病在骨近効白朮附子湯十味劉散選用
手氣。手腫痛曰手氣或指掌連臂肘痛悉屬風熱
挾痰飲痺湯。薄桂味辛淡能橫行手臂引調氣血
藥至痛處片子薑黃能引至手臂惟溼痛最妙。又
有腫痛時常脫節者此屬溼痰信用蒼朮乃効。

石頑治禮科姜如農次媳春初患發熱頭疼腹痛
欬逆無痰十指皆紫黑而痛或用發表順氣不効。
延余診之脈來弦細而數右大於左曰此懷抱不
舒肝火鬱於脾土而發熱熱蒸於肺故欬因肺本

燥故無痰。脾受水尅故腹痛。陽氣不得發越故頭
疼。四支爲諸陽之本。陽氣不行。氣凝血滯。故十指
疼。紫其脈弦者。肝也。數者火也。細者火鬱於血分
也。遂以加味逍遙散加桂枝於土中。達木三劑而
諸證霍然。十指亦不疼。紫矣。

腿痛

大經

腿痛亦屬六經。前廉爲陽明。白芷升麻乾葛爲引經。
後廉太陽。羌活防風。外廉少陽。柴胡羌活。內廉厥陰。
青皮吳茱萸。內前廉太陰。蒼朮白芍。內後廉少陰。獨
活澤瀉。痛有血虛。血寒。寒淫風溼。溼熱流注。陰虛陽
虛。腎虛風襲之殊。○血虛者足不任地。行則振掉。脈
細弱。六味丸加巴戟續斷杜仲鹿茸。○血寒者經急
脈沉。喜湯火。嚴冬尤甚。舒筋三聖散。○溼者兩腿膝
隱痛。或麻瞶作腫。身沉重。肢節疼痛。惡風不欲去衣。

脈浮濇。或浮細。除風溼羌活湯。脈沉。白朮附子湯。人。導痰湯加減。○浮熱者。痛自腰膀。以至足膝。或上或下。或紅或腫。小便赤濇。脈濡大而數。當歸拈痛湯。○流注者。鬱痰留於腰脇。有塊互換作痛。惡心頭眩。脈沉滑或弦。二陳湯加羌活白朮。○陰虛者。肌體羸瘦。足心及脛熱痛。左尺細數。或兩尺數盛。虎潛丸去橘皮加肉桂。○陽虛者。兩足浮腫無力。大便瀉。小便短少。痛不能動。左尺虛大。或兩尺浮遲。脾與命門俱虛。先用補中益氣加桂附。後用八味丸。○腎虛風襲。

則下體痿弱。骨節疼痛。喘欬失精。腰腹腿脛俱痛。尺中浮大而數。安腎丸。

大股痛。痛而喜按者。肝腎虛寒而溼氣痺著也。四
助丸二方選用。痛不可按者。敗血也。川芎肉桂湯。或
舒筋三聖散酒調服。婦人產後多有此證。宜加穿山
甲桃仁。虛人十全大補湯加附子穿山甲。有溼熱
者。痛處必腫。而沉重不能轉側。二妙散加羌防升柴
朮草之類。或除溼湯。滲溼湯選用。寒熱而腫痛者。
須防發癰。

膝痛

足跟痛

足心痛

經云。膝者筋之府。屈伸不能。行則僂俯。筋將憊矣。故膝痛無有不因肝腎虛者。虛則風寒溼氣襲之。又曰。身半已下者。溼中之也。故治膝脛之痛。又須以去溼爲主。大抵痛在筋者。多挾風熱。則屈不伸而腫。二妙散加羌防升柴。兼陰虛者。則熱而不腫。虎潛丸。或二妙加牛膝肉桂。因卧溼地。流入脚膝。痺弱疼重。千金獨活寄生湯。夏月溼熱沉重而痛。當歸拈痛湯。痛在骨者。多兼寒飲。重而屈伸不利。常若拭不乾狀。附子

丸。川芎。肉桂。湯活絡丹。鐵彈丸。選用。虛寒挾風溼而痛。虎骨四筋丸。如肝腎虛熱。筋骨痿弱。顫掉而痛。鹿茸四筋丸。若痛在衝陽及肉者。屬足陽明經。痛在委中。脇腸者。屬足太陽經。在外廉者。屬少陽。在內廉者。屬三陰。隨其經而取之。

足跟痛。○腎藏陰虛者。則是脛時熱。而足跟痛。六味丸。加龜版。肉桂。陽虛者。則不能久立。而足跟痛。八味丸。挾溼者。必重。若面腫。換骨丹。史國公藥酒。肥人溼痰流注。導痰湯。如木瓜。革薢。防己。虛人用補中益氣。

十全大補湯。竝少加附子爲引。○凡下部痛。多用藥酒。殊不知病甚於冬者。爲寒溼。故宜用酒。若春夏甚而秋冬減者。此屬溼熱。若用藥酒。是反助其溼也。足心痛。○足心及踝骨熱疼者。爲腎虛溼著。命門火不歸經。腎著湯下八味丸。○肥人多溼痰流注。足心作痛。但久坐卧起則痛甚。行動則緩。宜腎著湯合二妙散。慎不可用補腎藥。及血藥助陰。愈增其劇。戴人治一人。兩膝臍屈伸有聲。糾糾然。此筋溼也。溼則筋急。有獨緩者。不鳴。急者鳴也。乃一涌一泄。

上去其水水去則自然無聲矣

身體痛

體痛爲一身盡痛。傷寒霍亂中暑陰毒溼痺。痛皆
有體痛。但看兼證。及問因診脈而別之。治法分見各
門。其流連難已者。於此求之。○寒而身痛。痛處常冷。
或如淫狀。甘草附子湯。○內傷勞倦。兼風溼相搏。一
身盡痛。補中益氣加羌防藁朮。○溼熱相搏。肩
背沉重。疼痛上熱。胸膈不利。遍身上下沉重。疼痛。當
歸拈痛湯。○風溼相搏。一身盡痛。陰溼中汗出。懶語。
四肢困倦乏力。走注疼痛。乃下焦伏火不得泄而躁。

熱常微汗出而熱不解麻黃復煎湯○身體拘急皆屬虛寒與寒溼風溼小續命隨證加減○發寒熱而周身作痛胸脇痛悶不舒肝血虛而鬱火用事也逍遙散加羌活桂枝小便不利加山梔丹皮○天暑衣厚則腠理開汗出邪留於分肉之間聚沫則爲痛六和湯加羌活○遍身皆痛如勞證者十全大補去白朮熟地加羌活附子○下體痛宜分利小便五苓二妙爲主○下體腫痛脈浮自汗惡風者防己黃耆湯溫而微汗之痛而人便不通者厚朴三物湯微利之

○月溪曰因溼痰濁血流汁爲痛若在下焦道路深遠非烏附不能下達少加引經用之若以爲三非徒無益而反害之也善治者必行氣流溼疎風導滯滋養新血升降陰陽治有先後須分腫與不腫可也○肢節腫痛痛屬火腫屬溼蓋爲風寒所鬱而發動於經絡之中溼熱流注於肢節之間而無已也先宜微汗以散之故羌活桂枝爲肢節痛之要藥○身體疼痛及重者溼也五苓散汗之如風溼相搏一身盡痛加羌防升柴藁本蒼朮風能勝溼故也○痛家不

可食厚味與肉大能助火。若食肉厚味痛愈盛者并
魚腥麪醬酒醋皆斷去之。丹溪曰。環跳穴痛不已。
防生附骨癰。掘地成坑。以火煨赤。沃以小便。赤體坐
其上。以被圍繞下體。使熱蒸腠理開。血氣暢則愈。
診。傷寒六脈俱緊。爲太陽表證。身如被杖。脈沉緊。
爲陰毒發汗後。脈弦遲。身體痛。爲氣血不和。身關
節盡痛。而脈沉弦。爲中溼肢體重痛。微腫汗出惡風。
關節不利不可轉側。而脈緩。爲風溼遍身疼痛。弦
小或豁大。爲氣血虛損。